

陳忠貞

公集

四明張氏約園開雕

新出良

序

壽鏞既輯陳忠貞公詩文爲遺集三卷附錄二卷徧讀之竊歎董次公謂公不好名殺身所以獨真壽鏞以爲公之真非僅在殺身時也方其筮仕之始遠適滇南愉悅崑崙之遊咀嚼蒼山之雪臣心如水且夕飲冰萬里炎荒四境鴻雁觀於物覺天風謾謾舞虬龍伏鯨鯢黑水之灣打牛之坪雲浪雪濤野曠天闊峯危柱日劍兀驕人天地動靜之機可驚可愕一寓於詩其題雲龍儻學碑曰人中形勝矢忠盡孝懷仁負義山川寥廓不得限也公之初志固已如此旣而按川蜀迄還臺凡四年徑憂患觸網羅調停於文武之間委曲抱方寸之疚錦城繡斧削牘發奸一點丹衷空灑瀘州之淚九重寵幣聊回圻父之聰則其繼也及夫國事已去文武輒跳夢信國之握衣呼畫師而寫照生還無望規畫不行謂其族姪一擊曰吾志非一日矣崇禎甲申三月十七日李闖直竄都城煤山凶聞突至明明薄蝕陰霧昏霾巷戰無聲逆民載道爲臣爲子不能兩全慷慨從容同歸一死作書二詩一遂以明巾畢命侍妾時氏從之則公之

陳忠貞公遺集

序

一四明叢書

約園刊本

結局也嗚呼禍患常積於至微而氣節實基於不幸蜀
之亂也鄰壑之而楚終以隨天下蔓延明社遂屋徒令
百世下憑弔貞臣珍惜其殘編斷簡相與歎歎疆吏不
得其人燎原星火悲愁感憤而終無當於其志之所存
也雖然讀公之詩文公之真益見矣民國二十二年十
一月後學張壽鏞序

陳忠貞公遺集目錄

卷一 詩

暑月餐雪二首

夏旱四首

次姜侍御韻六首

點蒼卽景

清華洞

雪蕉軒

鼉采樓

陳忠貞公遺集 目錄

聽玉亭

望城外南北諸刹浮圖

贈總戎王明石

贈都閩陳以牧

贈大理守林斗樞入覲

寄懷我白兄時守臨安

行經繡嶺

蒼山十九峯

有序

斜陽峯第一

馬耳峯第二

佛頂峯第三

聖應峯第四

馬龍峯第五

玉局峯第六

龍泉峯第七

中峯第八

觀音峯第九

應樂峯第十

陳定貞公遺集

目錄

雪人峯第十一

蘭峯第十二

三陽峯第十三

鶴雲峯第十四

白雲峯第十五

蓮花峯第十六

五臺峯第十七

蒼琅峯第十八

雲弄峯第十九

家慈誕日賦懷時任榆之三年

范無畫毛子茂陳茂叔賦詩爲老母壽次韻以謝

三首

定南歌贈陳以牧以黔功晉秩蔭總戎雲南

高參藩母何吳二太夫人雙節歌

前題二首

次何憲副韻賦別三首

謁李中憲公祠堂歌

乙亥七夕以給繇寓會城二首

陳忠貞公遺集

目錄

三四明叢書

約園刊本

河陽縣金蓮山

撫仙湖上玉筍山

陸涼道中

晚過平寨

登羅平城

秋日至自通海葉季遠張仁甫許光斗徐玉符三

心泰邀登秀山

秋日登臨安城樓憑眺三首

過澂江留贈臨沅巡道陳憲副

交水卽事

候喻兵憲交水城外

萬壽寺坐雨

平夷道上山水暴漲桴而渡者十里許

滇池

題萬憲副先公曲靖名宦祠二首

贈范無盡

送賓容蔣郡守歸吳門

打牛坪懷古二首

陳忠肅公遺集 目錄

四四明叢書

鈔圖刊本

丙子除夕集餐雪軒分韻得聲字

登水目玉皇閣過靜室觀倒影

憩水目靈光寺

盤江鐵橋

有序

感通寺恭誦高皇帝御製詩

和萬憲副晚發超白崖望定西嶺韻

又和飛來寺望蒼山韻

贈曲靖姚泊菴郡侯入覲

贈雞山水月菴僧書佑

有序 已上八十首爲漢中詩稿

癸未辭親北上六首

齋頭紫牡丹一本伯氏移之別業者一枝兩花大
可如盤偶與李天保陳聖則感慨時事借花分
韻得庭字

書友人筵

絕命詞

卷二 文

修雲龍州儒學碑記

侍御姜公祠堂碑記

陳忠貞公遺集 目錄

五

四明叢書
約圖刊本

巡按李公生祠碑記

總戎陳以牧黔記序

萬憲副漢遊草序

雲南曲靖府志序

滄洱圖說序

奇奇賞跋

澂江王通守治水序

金滄寶少參移治臨沅序

賀金滄寶兵道陞本省清軍驛傳序

蒼山祈雨文

祭明衡李侍御文

卷三 文

戊辰選貢祭祖文

壬午歸里祭祖文

題太白山人張庚星小影

平安家信

遺囑

題絕命詞後

陳忠貞公遺集 目錄

六四明叢書

約園刊本

絕筆

卷四 附錄上

諭祭

明諭祭文 弘光元年

清諭祭文 順治十一年

畫像

陳忠貞公畫像

沈祖懋陳恭潔公像贊 有序

張恕陳恭潔公像贊 有序

童槐題重摹陳恭潔公像

王莖謁陳恭潔公像

家墓

高斗樞故明殉難忠臣賓日陳公暨贈孺人時

氏墓誌銘

全祖望明四川道御史再贈都察院右副都御

史謚忠貞今謚恭潔陳公神道碑

乾隆浙江通志陵墓一則

雍正寧波府志冢墓一則

陳忠貞公遺集

目錄

七

四明叢書

約圖刊本

光緒鄞縣志冢墓一則

阮元兩浙防護錄一則

陳恭潔公墓圖

傳記

明史列傳

乾隆浙江通志忠臣傳

雍正寧波府志忠節傳

光緒鄞縣志列傳

林時對四川道監察御史贈太僕寺少卿陳恭

愍公暨側室贈孺人時氏殉難合傳

周容陳御史傳

高宇泰雪交亭正氣錄傳

包旭章明州錄傳

徐兆昺四明談助傳

陳氏宗譜家傳

乾隆浙江通志列女傳

雍正寧波府志列女傳

光緒鄞縣志列女傳

陳忠貞公遺集

目錄

八

四明叢書
約圖刊本

謝爲震時烈婦傳

遺事

李清三垣筆記一則

李芳泰曰一則

無名氏明山遺民傳一則

李文纘華嘿農狀畧一則

屠可堂雙柏廬遺聞一則

聞性道康熙鄞縣志一則

全祖望續甬上耆舊詩一則

祠祀

華夏會弔忠烈陳公啓

全祖望旌忠祠碑

童槐重建旌忠祠碑

梅啓照重建數峯閣表忠祠碑記

乾隆浙江通志祠祀一則

雍正寧波府志壇廟一則

光緒鄞縣志壇廟一則

翟灝湖山便覽一則

陳忠貞公遺集

目錄

九

四明叢書
約圖刊本

鄞縣發羅圖旌忠祠圖

卷五 附錄下

贈詩

張庚星陳賓日分俸賦謝

高字泰甲申秋丹陽舟中遇陳恭愍公柩自北

歸感哭一律

周元初甲申之變陳恭愍借少姬時氏同日殉

難感而賦此

王藥師輓陳賓日侍御暨姬人時氏

董守諭哭陳恭愍公寶日

有序

林時對哭陳賓日侍御

有序

李文纘八哀詩

故四川道監察御史陳公良謨

李鄴嗣八哀詩

贈都察院右副都御史陳忠貞公良謨

有序

周嗣昇輓陳侍御賓日

無名氏弔陳恭潔公

陳久登哭恭潔公詩四首

陸宇燦過陳忠貞公故居有感

林時躍再謁陳恭愍公祠并弔時烈女

陳忠貞公遺集

目錄

十四明叢書

約園刊本

周嗣昇送陳恭潔公大葬

黃茂大謁陳恭潔公墓

無名氏壬子八月十四日拜恭潔公墓

全祖望擬甬上薤露

何以吳武陵

有序

袁鈞鄮北雜詩

有序

俞鴻漸客遊松江遇鐵峯張先生出示陳恭潔

公絕筆三十七字敬題長歌以誌景仰

高宇泰陳恭愍公殉死者爲時孺人敬弔靈輅

李芳泰輓陳侍御姬人時氏

無名氏弔時孺人

張鷟調目娑羅圖弔時孺人詞

序跋

范永祺跋陳恭潔公家信遺囑

黃定文跋陳恭潔公家信遺囑並錢忠節張忠

烈二公遺札

童槐跋陳恭潔公絕筆三十七字

孫衍慶跋陳恭潔公絕筆

吳德旋跋陳恭潔公絕筆

陳忠貞公遺集

目錄

十一

四明叢書
約圖刊本

張恕陳恭潔公絕筆跋尾

陳愈跋跋恭潔公詩文遺稿

張恕旌忠錄序

陳勸旌忠錄序

陳隆藻旌忠錄跋

陳忠貞公遺集卷一

縣後學張壽鏞詠覽輯

詩

暑月餐雪二首

香巖降王母陰崖蕊宮留我來點蒼下恂悅崑崙遊奇
峯拱太乙高河懸瀑浮丹丘滿白雲清風時颼颼況有
翠屏雪山靈給人求四時無寒暑更生三伏秋翛然忘
官況寒香天際流

臣心如水且夕惟飲冰熱豈因人至寒將隨地凝須
知味清白匪藉解炎蒸耐咀蒼山雪孤貞誰與矜

陳忠貞公遺集

卷一

四明叢書
約園刊本

夏旱四首

旬晴溪雨從來記今歲秧黃時已違疊疊魚鱗愁火種
哀哀鴻雁望雲歸渴斃平野移椿沒晚日高原傍鏡飛
何事歲星流虐燄水將毀也木將饑

去年早雪歲無收黍稷相將珠玉求祇仰昊天悲喪亂
復堪烈日暴田疇隨車空有景山慕濡父何如諒輔憂
欲繪子遺多菜色敢言太甚魃爲尤

議派議增無日息南中財力竭佳兵民租有逋原連命

農事無常又輟耕雷部似從義馭制風輪偏御祝融行
如何未下窮檐玉赫赫如焚滿路恁

十九峯前水滿溪黃龍黑龍水中棲每聞入夏龍淵吼
何莫於今溪雨迷豈爲蚩尤行酷令難言熒惑守災黎
雲霓望切頰翹首又見山頭紅日西

次姜侍御韻六首

點蒼卽景

金馬碧雞西洱海翻無底上撐鷲嶺十九峯蒼蒼萬點
芙蓉起鏤銀屏障如龍涎六月陰森飛寒瀉沁入奇石

陳忠貞公遺集 卷一

二四明叢書

約園刊本

白成玉日暖能生五色烟和山巽葩十二葉隨時開落
山靈饒增瓣原來是閩年直羞倒縮黃楊莖西飛皓魄
射榆川兩山夾處影落泉剖出蚌珠涵寶鏡夜夜光浮
玉案前怪殺箕星旺春魄顛狂蔑原伊誰摘倒掀滄溟
拔喬松聲如驅兵出秦壁使君乘驄萬里觀動搖山岳
鬼神寒夜靜龍關生異氣金錢玉螺現海灘滿地雲霞
掃不去長對流虹送夕餐

清華洞

蜿蜒嗟控籠奧窔開雲際非關斧鑿痕神鬼猙獰勢空

敵來狂箕簸揚風塵袂側身望天窗萬古穹窿睇拋石
怒蛟龍空虛應麤厲險怪幽且深游屐糜糠銳天外搖
清華身與烟霞憩

雪蕉軒

結得高軒傍古榆槎回天漢使星居窗西碧雪浮堪案
牆外甘蕉種可書生意時時供彩篆新詩字字過黃初
石牀卧看朝來爽摩詰當年畫不虛

鼃采樓

曬經坡上雲收日畫卦堂前雨霽時山近不遮千里目

陳忠貞公遺集

卷一

三

四明錢書

約園刊本

海寬常見百年思杯浮琥珀招黃鶴竿拂珊瑚釣白螭
從此登臨邊計好蘼蕪滿地綠蠻碑

聽玉亭

依石眠雲迴午夢烏啼花笑極幽探卻愁杭稻都栽酒
還喜肥磽不種藍龍尾風搖聲似玉蝦鬚天捲靜如龕
揮來彩筆花開夢引得香浮鶴跖南

望城外南北諸刹浮圖

輪王當日分封地蘭若三千可徧參尙有飛鷗唐世塔
絕無捫蝨道人菴雲間梵宇環孤堞松下經聲出兩函

最喜諸峯齊檻下日搖碧樹作朝簪

贈總戎王明石

香生俎豆領貔貅一劍登壇報國仇風雨筆酣今祭酒
甲兵胸老古諸侯月明黔路河山淨夜冷蠻溪草木愁
碣石青天功德永漫言銅柱獨千秋

贈都闕陳以牧

廿載黔烽未息烟龍場孤旅賴籌邊黑旂雲捲豺狼遁
黃石風高虎豹連營結三奇翻兔窟成功雙臂一作縛
蟲天更看綵筆搖邊月談笑封侯萬里還

陳忠貞公遺集 卷一

四 四明叢書

約園刊本

贈大理守林斗樞入覲

五馬乘黃飛蹀躞歌鼙鼓聲三疊點蒼撐出青芙蓉
片片浮來琥珀濃使君萬里登帝闕袖攜清風胸貯月
兩關此日秋色深甘棠蔭鬱碑似林赤藤古杖扶耄童
盡脫蠻氍卧君轍六詔爭傳鄭俠行不繪流離繪太平
玉堂仙酒綵虹飲雪山傾時欽神品山空海闊蒼生看
黃堂夜夜青天寒千秋意氣同明電琉璃肝腸冰鐵面
上書剴切赴平臺指點西南雲霧開笑解吳鉤吼欲怒
何時風雨延津渡

寄懷我白兄時守臨安

雙鶴橋邊花滿溪，春風吹夢曲江西。
路隨丹嶂烟塵遠，思入青天河漢低。
漫道文章酬聖世，已聞功業徧雕題。
佇看再會滇池上，搔首連牀聽碧雞。

行經繡嶺

仄徑鬱盤紆陰森，木石疴繞谿雲出。
岫逾澗葉飛颺險，峻王陽坂幽奇摩詰圖。
嶺前來返照，回首點蒼孤。

蒼山十九峯

有序

點蒼奇麗甲宇內，志牒榆者以玉斧畫置不獲列。

陳忠貞公遺集

卷一

五

四明叢書

新圖刊本

洞天福地爲恨余，讀南甲載記喜多名。公鉅筆爲此山開生面，大都賦詠勝概其十九峯之奇。自斜陽訖雲一作雪弄未經一一摹畫，亦千秋闕事。公餘各拈一律聊識萬里所見，以謝山靈云。

斜陽峯第一

參差碧落繡芙蓉，迎望青青第一峯。巖巢乍驚山出鷄。

盤回旋訝岫飛龍，陣雲斜捲雕弓抱。屏靄環拖玉帶封。

疊嶂奇觀觀未盡，迴光滴翠嶺頭松。蒼山卽靈鷲山，有上下兩關，名龍首。

龍尾斜陽其龍尾也，山形屏列如弛弓內抱山。腰時有白雲橫亘，昔人詩云：天將玉帶封山公。

馬耳峯第二

鴻濛劈破礪風濺削就奇峯馬耳曉玉初嶺齊騰萬仞
金聲壁舉競雙尖閃雷影動奔虹俊聽瀑撼披皎雪話
知有山靈飛挾翼空中昂首絕塵纖

佛頂峯第三

蘭若遙分天竺勝通蒼直上聳霄崢擘浮雨後青於染
濃抹晴空翠若擎羅漢遠參開石壁金剛近護幻層城
峯前秀色香雲郁千仞昔提輝太清點蒼一名蓮峯志稱天竺有三千巖
若茲得其半羅漢壁在雞足山與蒼山相對金剛城蒼山古蹟也在佛頂峯麓

陳忠貞公遺集 卷一

八四明叢書 鈔四刊本

聖應峯第四

不是名山奇迹疏誰云宇宙總遶廬樵溪月照三潭山
禹穴天開四載餘風起文戀想鳳翥雲生翠岫石龍嘘
此中靈境織塵絕五岳分符太古初樵溪卽青壁溪有上中下三潭潭南石壁有禹穴二字後人所刻南詔時僞封蒼山爲中岳

馬龍峯第五

千尋岡上驟驂躡影落蒼蒼天馬留翠律鶴齊風鼓動
蜿蜒地絕雨巖浮五華路闢孫場遇八駿山迴罔穆遊
誰是行空登極頂應知四顧徧神邱五華樓名在郡城中

玉局峯第六

綠溪積玉映歲鬼石壁欹崿五色開古木雲連人迹絕

高河天半鳥飛回寶光瑤琤神仙窟麗景含舒金碧堆

更有琪花玄圃盛鋪瓊流月仰瑤臺峯左為綠玉溪峯頂之南有高河即

漢書所稱馮河石壁聳削奇木交加忽有墜葉鳥即啣去

龍泉峯第七

列嶺騰空翊鳥翼危峯插漢耀龍泉磨崖椒雨啞峒洗

奔嶽松濤華嶽遷雞足平分山上月馬簾倒捲水中天

謾誇洱海兵藏萬飛岬嵒奇雲霧穿志稱蒼山屏列如大鳥連翼將翔峯

陳忠貞登峯錄卷一

七四明叢書約圖刊本

各夾澗濼懸山椒馬麓洲為洱河四川之一水東石壁有刻字云此水可當兵十萬

中峯第八

誰畫蒼穹列翠屏中峯濃染送高青崑崙南下益州部

越嶠西臨太白星古雪懸崖留佛鉢異香深谷聚仙軀

洞天別有南中記玉斧曾無驅六丁大理在西漢為益州部太白星主益

州釋迦入西洱證如來位本山即說法華經處峯半有香巖峯左有王母坪洞天福地記南中見遺因宋藝社

以玉斧鑿棄也

觀音峯第九

那龍谷口聳嵯峨瑞鶴乘風下綠坡古蹟靈存空色相

巍峯指豎散天魔雨銅花積千巖滿處石身翻草草多

彼岸繇來難躡級惟懸絕頂印青螺開邪龍始除水害有雙鶴行河尾以

引居人戮魔石在上陽谷口與七化古蹟並傳崇聖寺有兩銅觀音像婦負石在城南十里大士所化以止漢

者兵

應樂峯第十

蓬萊九炁萬峯低遮莫南天蒼壁齊玉柱崢嶸搖塔影

蕊宮爛漫滿雲溪靈通海上仙人樂路接山頭太乙梯

夜聽鈞天幽帝釋千尋瀑布落玻璃峯下崇聖寺前有

谿漢書載蒼山似扶風太乙峯半舊有帝釋寺卽昔人夜聽仙樂之瀑布泉在隱仙谿上

陳寅谷集 卷一

八四明藏書

約圖刊本

雪人峯第十一

立雪如人據嶺端俯窺城市眾峯攬千年石骨中天老

一片冰心六月寒華頂晶函罪玉屑峨眉瓊樹炫珠玕

西窗忽見朱霞映錯認嫌山子細看

蘭峯第十二

天風吹下紫霄芬馥郁蘭蕪滿白雪濯水薜蘿山入畫

繡巖苔蘚石生文曬經慧日當峯照救疫靈泉落澗沅

不是幽芳移九畹妙香城上散氤氳應經按救疫泉俱在峯巖妙香城舊

山占蹟志稱非與觀音傳道處

三陽峯第十三

陽和輪囷自天南拱揖扶桑鷲傲參風孔何年吹暖律
石封此地現優曇氣勻四序春光住山湧三陽泰運含
人說此中稱樂土峯頭白雪挂晴嵐風孔一名風輪在北峯茂原之上石
封卽巖窟石蒼洱氣
候冬夏無嚴寒酷暑

鶴雲峯第十四

嶙峋翠壁天邊出玉女高開碧漢窗華表遺蹤歸絕巘
慶都餘瑞繞名邦彩分石潤祥雲五奇擁巖翎白鶴雙
覽勝勿嫌仙馭杳眠雲弄鶴我心降志記祥異點蒼山歷有彩雲如綺又

陳忠貞公遺集

卷一

九四明鼓書

約圖列本

有雙鶴下集翅如車輪峯下有鶴雲寺
則以二仙乘雲鶴來石上圍棋得名

白雲峯第十五

王母西來道路遙白雲飛馭到山椒逶迤香散瑤池曲
杳靄光騰蒼雪蕉百里卷舒橫截五千尋縹緲羣飛綃
素霓疊巘松濤壯共聽琅璈奏九霄

蓮花峯第十六

十丈曾開玉井葩何如鷺嶺繪蓮花芙蓉峯簇南天雪
齒菽山披西域霞冉冉香風翻貝葉亭亭清露浴金沙
輪王千載靈根淨舍利浮空現法華唐時詔天門入天竺求舍利及貝葉

經西域鷲峯即點蒼也金沙江一名若水
在蒼山東北輪王即阿育王爲白國鼻祖

五臺峯第十七

石壁噴虹星斗侵五臺積玉五峯陰青巔俯揖烏龍伏
黃旃旁迎赤佛臨瀑濺萬花幽鉢窟雲漫千尺聖巖缺

名山未許凡蹤到迦葉傳衣入碧岑

青龍黃旃烏龍赤佛俱山名在蒼山

四面蕩花溪在峯右

蒼琅峯第十八

玲瓏白國點蒼璠沾染天邊風雨痕松柏巖頭新日月

琅玕堆裏老乾坤翠嵐嶂疊玄猿嘯青靄霄懸神鹿蹲

陳忠貞公遺集

卷一

十四明按書

約圖列本

千古不磨多寶色此峯應屬萬峯尊

志稱東漢建初年間點蒼山有神鹿

顯兩

雲弄峯第十九 雲一作雪

看偏奇峯龍首雄回翔龍尾日飛冲天連樹色晴嵐嫋

水接山光烟黛蒙堪想奕巫雲出峽可知姑射氣凌空

霞移海上通三島花舞關前雪月風

龍首關在峯前此處山海相接霞移

溪名在峯石洱海中有十洲三島和花山在峯左與雪月風稱蒼山四景

家慈誕日賦懷時任榆之三年

北闕承恩命馳驅何聞關北堂辭板輿依依淚潛潛

叱遊子懷倚閭慈母顏母曰嗟子季孤征走百蠻母子
分東西歲月三往還鯨鯢掀海颶如何黑水灣豺狼吼
孔道爲問昆彌山一官能盡職萬里莫言艱吾想吾母
言夢魂繞霜叢菽水將不違職守敢徒聞炎荒多毒草
庭階日日刪喜見瘴烟淨萱花清晝斑上有祥雲覆五
色映斑斕

范無盡毛子茂陳茂叔賦詩爲老母壽次韻以謝
白雲每望依青嶂紫電新驚絢彩毫賦就蓮開玉井藕
詩成果實遠萊桃捧傲情深當舞袖導輿想洛對征袍
感君勸我勤劬報榆水悠悠萬里勞

右次范韻

嘗隨清夢赴高堂細說離情萬里荒南北一身周道迥
東西兩地叱思長丸熊夜課千秋月封鮓寒浮六詔霜
此日誰憐遊子意新詩句句聽風篁

右次毛韻

昨夜祥光明李署朝來麗藻爛萱葩政將冰宴羞三祝
未有丹砂獻九霞行役旋車仍逆旅思親迴夢又天涯
懷歸誰解門闔盼幸有高詞映物華

右次陳韻

定南歌贈陳以牧以黔功晉秋陰總戎雲南

黔陽封狐昔年雄萬山惡苗吹腥風蠟書告急羽書疾
妖火燒廟滿地紅君提孤旅龍場駐黃雲壓陣擊蜈蚣
旗搖黑片高山鳥膽落蠻箐制奇蟲有曾南天亦稽討
移師折臂銷暮戎腰橫青萍袖黃石指點金碧窺青銅
隱然長城懸萬部武侯又出滇池東白蠻黑焚羅施鬼
休兵解甲車書同海上轅門畫下閉太平立致誰之功
功在黔滇推第一懋賞相延世澤隆載錫節鉞總六詔

陳忠貞公遺集

卷一

十四明鼓書

約圖刊本

劍倚太華磨芙蓉雅嘯漏天春雨細壯氣噴薄驚蛟龍
隨何絳灌之文武貯君鱗腹兼虎胸南方從此長定矣
我歌定南誌螺峯一朝事業酬百代帶礪山河鐫鼎鐘
還看東北信勝算坐令萬里起侯封

高參藩母何吳二太夫人雙節歌

黔陽潛犬古商翟高祿不靈長嘆吁有母維何志宗祧
脫鱗鸞珥進貳吳吳琴何瑟調不妒石麟三誕天有無
未幾黃鵠悲中道火抱鸞釵御冥途生死大節誰爲易
慷慨之氣埋頭願卓哉何母能善後敗幃殘燈伴弱雛

風鬟雨鬢百荼苦寶髮霜華映玉壺畫荻丸熊竭心志
鳳毛養成慰黃壚天風吹翼健先舉扶搖起者二丈夫
二丈夫子伯與仲陳情銜血天門呼綸音裏異應聲得
朝野爭傳雙節圖君不見中河汎柏心無貳傲傲矢死
堅如鐵又不見當年魯國有義姑棄兒存姪兩存孤存
孤矢死恰相似爭如高門二母有孝烏兩兩飛鳴金碧
上勳業相將赫帝都

前題二首

奇節當年二母逢孰難孰易各從容千秋貞烈殉夫逝

陳忠宣公遺集 卷一

十三四明駮書

約圖列本

百世綱常立女宗烏歷風霜情泣草風銜雨露籠滋松
榮喪已吐男兒氣慈孝兼看鑄鼎鐘

貞心共結敢言難生死誰能先後看地下金釵埋雨雪
人間玉樹長琅玕名從翰墨題應徧情寄絲綸血未乾
獨有夜臺雙弓占裏清徇傍九霄寒

次何憲副韻賦別三首

甘棠初種已成林綠蔭垂垂雨露深乘傳遠來遲世眼
拂衣暫去奉綸音謝安居墅元成昔李泌還山又在今
從此一身生羽翼與圖廣大有遐心

使節天邊賦倦遊彩雲盡擁碧山頭野心未許飛黃鶴
壯志還期副緝騶雨露天高隱早沐煒烟地遠豈長留
暫時分手驪歌動腸轉車輪一萬周

聲名今已重西陲漫說當年去後思碑在口邊原不立
祠成心上定難移豈無甘雨隨車澤更有清風大廈尸
聖主憂漢應沛命佇看節鉞慰民咨

謁李中憲公祠堂歌

公騎雷電下鴻濛句章頭角稱猶龍躡空踏壁氣更雄
況有鐵石生虎胸曾向江陵作相公強項執法吐華鋒

陳忠貞公遺集

卷一

十四

明發書

約詞別本

要使勢燄萬眼空寧甘荒僻移那封鄴封磨劍倚崆峒
爲人報仇除羣凶氣激霹靂貫長虹魍魎魑潛毒蹤
糧糗梗運山之東公來誅鋤如燎蜂自此長湫萬般通
天下軍需足正供夔府孤城落日中玉壺之冰寒萬峯
暮夜揮金如揮銅犬羊去息豺狼烽炎微石城開清風
鷹隼不敢立高斯獄市肅清田野豐永銷兵甲事存農
棠樹岷石思庸功山高水長爲德容忽乘白雲登穹窿
忽鞭青驪游芙蓉我來由陽謁祠宮氣壯山河百二重

乙亥七夕以給絛寓會城一音

昆明池上泛星槎
歷秋光四載賒
拂拂涼風來客幕
微微新月映窗紗
物華試看支機石
人事還同乞巧瓜
惟喜碧空烟霧淨
錦雲縹緲玉皇家
碧雞金馬千秋夢
烏鵲銀河七夕浮
異物不爭功力構
奇緣應耐遇時求
青鸞庭畔仙宮近
繡幌櫓前雲路修
滇俗共傳荆楚記
年年織女會牽牛

河陽縣金蓮山

地移花縣勝山又吐金蓮
迎旭光如繡憑湖影欲仙
干峯收太液十丈繪華巖
對景思潘岳香飛白里天

陳忠貞公遺集

十五四明叢書

約園刊本

撫仙湖上玉筍山

孤峯傲湖渚獨立羽仙朋
不是瑤池上如何玉筍稱
碧浮江月麗秀聳島嵐澄
琪草生巖曲遙瞻紫氣騰

陸涼道中

盡日崎嶇路前征又若何
爛藤鞭瘦馬朽筏渡危波
山暗堆雲樹途迷叢石坡
披荆次荒野亭午暫相過

晚過平寨

亂山迷遠月平寨落荒邱
地接羅雄界人同西楚儔
行日已暮去去路無休
郵火來前嶺朦朧天際浮

登羅平城

羅平雄踞夜郎西，西望山峯簇簇齊。
雉堞改觀新版築，鮐夷餘恨舊黔黎。
溼雲擁樹狼烟息，陰雨沾裳鶴唳低。
爲有綢繆鞏戶牖，半城茅舍半鋤犁。

秋日至自通海葉季遠張仁甫許光斗徐玉符王

心泰邀登秀山

續香齋詩
作葉季遠

步躡層巒碧玉茸，天風謾謾舞虬龍。
湧金斜挂丹霄日，滴翠飛來靈鷲峯。
爽氣秋空千嶂迴，奇逢蓬島五雲從。
入滇覽勝惟今日，飽擷玲瓏秀色濃。

陳忠貞公遺集

卷一

十六四明叢書

約園刊本

秋日登臨安城樓憑眺三首

臨陽風景甲全滇，憑眺城樓今古懸。
句町舊傳禹貢地，泮河遺蹟漢時天。
湖山遠近含秋色，村落迷離起暮烟。
此日郊原禾黍好，千家復覩太平年。

千里炎荒兩眼收，情深悵望又登樓。
三江環帶鯨鯢伏，四境歸巢鴻雁稠。
聖世乾坤逾日表，匡時方略瞬綏悠。
安攘自古談機密，羽檄何如樽俎謀。

城樓高並煥文山，山外南通交趾蠻。
浪拍飛鳶猶站站，伏波標柱尙斑斑。
龍江火樹珊瑚獻，象郡明珠薏苡還。

俯仰千秋遙極目不禁風雨暗重關

過澂江留贈臨沅巡道陳憲副

臨沅四野草芊芊想見風行萬里天
玉節霜凝凌玉筍金莖露浥濛
金蓮樹功蹀躞麒麟後酬伐崢嶸
獬豸先再造西南留鎖鑰威名韓范已爭傳

交水卽事

樓居兀兀意忡忡鎮日窗前戎馬馮
驛路遙連羅鬼北師徒再出夜郎東
蟬鳴危樹風偏急電挂長天雲忽冢
何處金聲歌樂伎錯疑刁斗擊軍中

陳忠貞公遺集

卷一

十七四明叢書

約園刊本

候喻兵憲交水城外

雲擁龍標出石城車前驟雨挾雷行
沒首山徑驅烟瘴共看郊原洗甲兵

萬壽寺坐雨

溟雲古佛國香刹半天南僧老菩提果
門空般若庵松風和玉磬花雨散珠龕
靜坐忘南北乾坤不二參

平夷道上山水暴漲桴而渡者十里許

山路自崎嶇胡然忽泝濛滄桑不可知
觀此若惚恍孔道豈陸沈水落仍來往
無奈狂瀾何一葦隨下上奔湍

勢盤曲漏板短楫盪白水與黃河南北一沈茫白水在平夷上
流每乘雨泛濫河廣猶方舟澗逼波千丈飄飄與波心何如彼
息壤

滇池

昆明池水何浩淼海若南來寧見小九十九竇蛟龍奔
尾閭一綫萬山繞巒烟瘴雨南詔觀清風明月兩湖看
巨浸排空搖金碧石鯨何處水光寒

題萬憲副先公曲靖名宦祠二首

窳節飛霜萬里天從容雅嘯坐籬邊鐵冠不染金銀氣

陳忠貞公遺集 卷一

十六 四明叢書

約園刊本

玉帳能消黑白烟拔薤春回千竈暖遺棠露滴五華鮮
祇今人向祠前過自古風流說象賢

俎豆新垂奕世芳道旁碑口識行藏梁園雪擁薇花老
蒲海風恬桂樹香德沛三湘流楚月功行六詔舞蠻王
雄心未冷身還現又託清暉照點蒼

贈范無畫

射斗龍光紫氣停泰華山頂拂清萍風前搔首低雲漢
天際長吟吞日星數萬胸藏奇小范三千水擊看南溟
芝眉燁燁明霞映咳吐珠霏滄海聽

送賓容蔣郡守歸吳門

峯閣岷雲千尺白，伽毘黎波千丈碧。君乘素馬出龍關，
平分萬里三生石。文章德業留南中，光燄萬丈摩蒼穹。
白飯王來幾千禩，山靈海若欽君雄。君今向吳有終慕，
碧雞金馬指歸路。江帆風送五兩輕，眼底江浮連北固。
歸時讀禮居山亭，雲斂天平萬笏青。仁人孝子風流守，
看起東山太傅星。我來祖道當夏熱，雙鶴橋邊市白雪。
漫言清冷佐鼉鼓，更有芙蓉青繡血。古時丈夫離別多，
往往對酒發浩歎。卽今對酒不浩歌，別後相思竟若何。

陳忠貞公遺集

卷一

九

四明叢書

約園刊本

打牛坪懷古二首

渡瀘何事入南滇，羽扇揮開身毒天。

永昌舊名身毒國

荒徼新

犁春雨足千山鱗，疊萬家田。

刀耕火種歎戈春，耨雨鋤雲來卧龍。牛背笛橫烟箚綠，

盡釘兵甲事春農。

丙子除夕集餐雪軒分韻得聲字

榆中歲事倍崢嶸，此夕難除荒徼情。暑冷渾忘火盆熱，
官閒且看水燈明。思窮家國驚殘臘，願息于戈納太平。
分韻乞詩辭逆放滿聆金石爆無聲。

盤江鐵橋

偶從春日過叢林爛漫山花物外侵深井水源通海日
巍樓雲畔印禪心龍岡東挹千巖秀鷲嶺西參萬樹陰
正果空空觀倒影可知妙相此中尋

盤江鐵橋

塵世看劫灰名山開水目錫飛西竺雲花散南天梵善
集誌祇園靈光分阿育參差華首迎翥鬱畢羅矗塔院
摩蒼穹法門輝幽谷鳥巢自在窠犬吠證果木慧日曜
前唐宗風偃百濮吾聞蛟淵師自見牟尼速髻繫阿檀
珠燈明眞祐屋絲茲龍象多瞻彼衣鉢獨玉磬月初升
琳宮雨新沐跣趺聽松濤一洗凡心翳

盤江鐵橋

有序

江在黔之普安古夜郎地萬山卓立一水怒奔渡
者半爲蛟龍得去熹宗天啓初水蘭扼險江上滇
黔不通朱大參家民提兵清道鍊鐵爲索鎖山腰
而橋之壬申春仲度橋雄奇險怪如入異境遂以

詩記

洪濛天險阿誰劈無底盤流岸轉刺毒霧漲塞晝不開

陰飈怒號夜尤逆，獲豸怯步愁攀援。
蛟鱷將飢盡頭額，滿渡風來草欲腥。
中流浪急壺難索，木蘭從此覆江心。
鐵纜何人繫嶺脊，波壓鯨鯢寶軸寒。
穴穿龍虎金繩赤，鉤連不藉鐸驅山。
踴踞依然神運石，天半高橫蟠竦居。
月明深鎖鼉鼉宅，江干佛火布祇園。
碧落女牆成紫陌，烏道螺峯照眼青。
雪濤雲浪浮天白，皇華有路孰司功。
蠻部無驚誰使格，勳績崔嵬史冊香。
道心廣大山川窄，劫灰終盡鐵橋存。
公平聲名天地赫。

感通寺恭誦高皇帝御製詩

陳忠貞公遺集

卷一

三四明叢書

約園刊本

宸奎當日下南天，碣石青摩罽漢邊。
九譯蠻烟開首御，一輪慈月頌諸禪。
蛟龍氣擁山靈溼，風雨聲隨天語傳。
留與太平僧自老，雲深寺古不知年。

和萬憲副晚發超白崖望定西嶺韻

南國行將盡西天，路不遙嵐烟開鳥道。
蠻雨壓江湖，虎豹關通客。蹒跚徑接樵危峯，
拄斜日劍兀向人驕。

又和飛來寺望蒼山韻

野曠天垂闊，風吹萬井饒。
青孤插漢長，白小浮標海。
氣通禪觀車，聲響洞霄關。
門應有吏望，氣已非遙。

贈曲靖姚泊菴郡侯入觀

朝宗此去倒瀾回
職述炎方烟霧開
財賦南中民易盡
犬羊徼外性多猜
天餘五服郵金馬
日近層霄面玉臺
書上龔黃知剴切
彩雲飛處鳳鸞來

贈雞山水月菴僧書佑

有序

崇禎乙亥予從李直指遊雞山至聖峯寺訪見曉
見曉飛錫方外眾告有徒書佑在焉造其菴題曰
水月入其塢題曰雲鶴雲鶴水月天地動靜之機
卽一座雞山收拾不住而菴之塢之何也曰動以

陳忠貞公遺集

卷一

王三十四明鏡齋

約園刊本

觀其竅靜以觀其妙水月雲鶴且在心胸況菴塢
之大乎因欲詩記而未暇丁丑將東歸猛憶前緣
傳之筆墨書佑善書喜誦蓮華經又爲母王氏繕
寫焉其書法在智永間而禪行則又小沈後一枝
燈也

南閩浮提立五宗
雞巖有道棲聖峯
峯前月色菴前水
孤鶴一聲雲自封
塢中開士提正覺
七函法華數株松
舌根瓣瓣蓮花吐
五峯突頂滿月容
又爲阿母寫全部
筆意往往入王鍾
具大願力蟣龍象
山河恆在吐霧中

有鶴不飛窺教觀有雲不散依宗風宗風教觀非非想
水在瓶中月在空試向汝家參馬祖一喝兩耳三日聾
漫言荷擔歸來晚華首門前路自通

癸未辭親北上六首

園亭綠樹影婆娑靄靄慈雲百尺柯樹對堂萱宜綵舞
雲橫野草疊驪歌自憐攬轡逢銀漢漫說乘驄近玉珂
此去還朝時正棘夢魂何日釋兵戈

絲來四海共朝宗滔浪排天一葉椰榆洱雖知訛黑水
牟彌曾拜伏圖龍敢忘萬里風雲遇只歎經年筋骨窮

陳忠貞公遺集

卷一

三四明叢書

約園刊本

藥裏憂親加疾憊參苓烏附別囊封

河干柳色又成陰幾度春光遊子心節候每從征轡換
霜華漸向鬢毛侵巢梁空笑呢喃語放棹還聽欵乃音
九折羊腸俱抱愧徒勞嗟子北堂深

椿庭日暗經三癸

先君逝世在癸亥今閱癸酉癸未

杏苑風香逾二辛

不肖登辛未榜今逾辛巳矣

捧檄敢忘趨鯉舊導輿未遂乳烏新久

思慈訓兼嚴訓早識臣身卽子身班馬又鳴關外路蕭

蕭征旆漫逡巡

豈以功名思盡簪慈幃面命佩爲箴無辜每勛來公志

有薦常存陶母心山戀暮雲回首近水迎曉曙頭臨
別親細聽千言囑執手丁寧分寸陰

愁向天涯說路難孤旌迢遞劍光寒滄桑幾處浮生共
雲日千山極目看多病那更親舍遠堪憂祇憶倚門單
行行三復懷歸賦將母深慚獬豸冠

齋頭紫牡丹一本伯氏移之別業者一枝兩花大
可如盤偶與李天保陳聖則感慨時事借花分

韻得庭字

乞得天香移在庭況逢佳會草堂馨一枝苞露擎春曉

陳忠貞公遺集 卷一

舌四明叢書

約園刊本

兩蒂迎風倩紫萸照眼競奇顏氏譜錦心爭吐慶池靈
名花消息今猶昨當日飛傳洛下亭

書友人簪

桑間鄭衛風陌上羅敷節柔條盡可攀剛心安能折

絕命詞

中天懸日月四海所畢照倏爾陰霾昏日月失常道仰
觀我明明薄蝕一時變電風自南來光復天心見大夫
百執事其誰忘吾君愧予沈疴久牀第淹數旬背城孰
盡瘁巷戰杳無聲如何社稷靈僭爾順民形載舟亦覆

舟古今同一轍順民卽逆民參觀非一日蒼蒼不可問
國亡我何存誓守不貳心一死報君恩

陳忠貞公遺集

卷一

五
四明叢書
約園刊本

陳忠貞公遺集卷一

陳忠貞公遺集卷二

縣後學張壽鏞詠霓輯

文

修雲龍州儒學碑記

雲南建學昉於西漢以司馬相如至也各郡縣有學昉於東漢以白鳥神馬見甘露降也宋乾德後淪沒夷部多廢不治我高皇帝平定雲南首重文學存者因之缺者立之培養冠裳禮樂二百年滇中風土比於鄒魯惟雲龍州舊爲雲龍甸元時屬金齒宣慰司洪武十七年

陳忠貞公遺集

卷二

一

四明叢書
約圖刊本

陞爲州改隸大理土官夷治其在屯之時乎沿至正統開教化翔洽穎者得之崛起向學因立廟俎豆之家絃戶誦聲滿山谷繇是補弟子員者多寄鄰庠及奉學使者試檄崇岡深箬苦於跼蹐嘉靖二十九年吏目謝策請建學不報萬曆四十二年巡撫周公題進學未立是年裁五井提舉司爲州治改土設流併設訓導遂建舊廟於雒馬井西天啓四年知州周憲章五年署州事雲南通判錢以敬前後共卅州後山地創建文廟一座僅蔽風雨制甚湫隘櫛沐未幾而棟樑將圯崇禎六年適

際永寧郡丞閣公來署州事憮然太息曰境內梵刹突兀泮宮榛蕪是尼父且不得與瞿墨爭席何以風世教而令國中乎若廟貌坐兌而震黑山龍盤於前崇山虎踞於後天然形勝不可更也卽捐俸重修聖殿創建兩廡六開儀門櫺星門各五開鄉賢名宦祠各一開牌坊二座顏曰江漢秋陽金聲玉振輪廣臺階道路牆屏等式咸備如制且俾木之斧者斤者土之鍤者舁者繪飾之丹者勦者聖者不日告竣不費公家半黍宮牆觀望氣聚風完規模雄壯歸然永久不啻靈光矣學師暨諸

矜欲勒厥功於石而碑之廟移其狀句文於余余自辛未奉例就選刑官上書乞勘合報可遂乘傳至榆未能開揚風紀以副聖明簡任徒以案牘勞形筆硯已焚顧何能文及按狀再三憮焉有感周人考室風雅著之魯國城門春秋載焉修建學宮洵當記也但修者有意建者有義可不知乎夫學莫詳於周周曰庠庠者養也養鄉社井邑之蒙而使學焉學其無愧子臣弟友以成其名公巨卿文則次之今也從選舉薦辟外改制科目而以文章德行並重蓋其風氣卽山川繆廓不得限也若雲

龍於滇省雖僻然滇省於中土尤僻昔盛覽張叔尹珍輩皆入中國受五經歸教鄉人以變其俗而西南始知文字隨有從文而以武著者李恢敗馬定於昆明鹵承擊類牢於博南龐遺破李雄於建寧悉屬滇中先達有志者事竟成也明興以來滇士各以文武起家若虎臣若龍相聯翩烜赫師濟廟堂獨雲龍玉猶藏璞珠尙勒淵堪輿家且議其形勝未善也豈知人中形勝爲矢志盡孝懷仁百義乎豈知文中形勝爲蒸霞蔚雲奔泉挾石乎豈知事業中形勝爲補天浴日樹駿流鴻乎今操三者求雲龍士豈無起而應之者但我國家功令專以制科取士必從學宮教養此閻公所以憮然太息而修建孔急也詩云菁菁者莪樂育才也物固有闕而不發其發也必鉅所謂積大風也不厚則其負大翼也必不力雲龍士必興矣形勝何爲哉予因是而更有說焉昔孔子謂伯魚曰有大名以顯四方流聲後裔者豈非學之效也又孔子告子貢曰臨官莫如平臨財莫如廉廉平之守不可攻也噫吾願今之守是土產是土者亦若是則已矣而且爲堯舜刑賞忠厚而且爲周文虞芮質成

而且爲春風化雨陶其德行文章人盡出入禮門遵繇
義路如韓子所謂沒而可祭於社者始不負建鄉賢名
宦兩祠之意此不佞所以按狀再三愾焉有感者矣蓋
閻公代庖州務者也其乘謝口於置郵而爲此可久可
大之事此其中有深焉者未可旦夕究其用也閻公名
從化號聖一山西清源籍陝西鎮夷人繇選貢任今職
是役也前後捐田拾壹畝爲學基者本州監生楊淞也
董其事者訓導徐漸生員楊九澄趙琛也掄才經營者
鄉約釗時許升施繼忠也輪派管督匠石併役竣乞文
爲記

陳忠貞公遺集

卷二

四

四明叢書

總圖刊本

樹碑者生員李賁白楊國望楊夢震董邦憲等壹百零
四名也咸奏功學教則其姓名例得並書以圖不朽是
爲記

侍御姜公祠堂碑記

姜侍御名思睿號習明慈谿
人天啓五年乙丑科進士

皇帝御世之七年爲崇禎甲戌直指姜公巡按雲南事
竣得代滇人食再造之恩於其去也肖像立祠以報我
大理郡衛合屬紳黎建祠城南之玉局峯前枕蒼山面
洱水榆堞龍關襟帶左右落成日勺文勒貞珉爰誌功
德余惟直指代天子巡狩持風裁佐慶讓振綱肅紀察吏

安民惟激揚是任未有遏逆彌亂杜漸防微捍患禦災
建全滇千萬禩不朽之業如公者滇南越在天末漢少
夷多夷性最刁悍喜弄兵年來普逆煽禍豕蛇狂逞無
論句町百姓肝腦塗地卽口榆諸郡邑黔黎一苦征調
再困轉輸繼竭於加派搽助甚而流賊鼓燄風鶴洊驚
轉壑流離受害與迤東等公奉簡書叱馭馳至謂戎首
雖天殛部落實繁有徒繡斧徑指臨陽先聲奪人若轟
雷閃電頓令潢池餘孽束身歸命公昭示恩威待以不
死而西南遂定至密受方畧擒馬首於杯酒閒不煩一

陳忠貞公遺集 卷二

五

西明叢書
約園刊本

甲一粟殲厥元兇事更奇矣豈特大永兩郡易危爲安
哉炎荒州邑雉堞多未備如昆陽河西口峨新平江川
彌勒曲江非省會吮背則交廣藩籬而南安斗大一州
控制江外稱榆楚要隘皆環堵頽垣不足禦侮稍竊發
卽驛騷震動公捐資鼎築八城扼險固圉屹然長城在
抱直舉平南以來建置沿革之缺陷公一旦補之處處
人心始有恃以無恐滇池積九十九竇水源廣流狹激
江撫仙湖周三百里尾閘如線頻年海口阻塞萬頃膏
腴變作蛟龍窟穴公憂深民溺委能吏盡力濟決隨地

賦隄爲一勞永逸計退出雍浹俱成良田還國家額賦以千百救小民賠累以千萬與榆水倚山榆山傍水厯公石禾之鋤者念念禹稷當年癸酉五月公按部大理見榆民田於山水閒地瘠賦重脫一旦饑饉不支公私坐困發贖錢四百做古常平法零置新倉積穀千石有奇爲巡方勦舉嗣是陳陳相因安在羸郡不教倉若會哉歲旱地赤秋黃歌雲漢者不獨金滄一境公檄各道屬竭誠叩禱而自甘暴露與山靈河伯共憂日徒步壇廟稽首街衢爲灾黎請命求遠近霑足乃止穫登雙穗

什以播揚朝廷聲教如榆城紀勝諸篇又與蒼巖白雪
輝映千秋矣繇公志在天下舉九州五服內外之故無
不洞如觀火凡所爲奠安六詔者文經武緯仁育義正
神妙而莫測其端倪陰養南天元命使生靈世世蒙庥
也今且懷壯猷而入匡王國衡鼎鉉而節剛柔其功其
德正未可涯涘而吾爲之序功德若此者亦從其風行
蒼洱之上祚國脈於靈長以表章萬一云爾

巡按李公生祠碑記

李待御名一鵬號清盤慈谿人天啓五年乙丑科進士

古之君子德澤加於民民肖其像生而祠焉者何祠以

陳忠貞公遺集

卷二

七四明讀書

約園刊本

永其思像以貌其心也稽古德澤莫如召公召公何以
生而不祠若欒布石慶狄梁公張文定何以皆祠其生
說者曰上世民忘後世民惟恐忘然則三代而下千有
餘歲爲君子者眾也何以皆有功而不皆生祠蓋功以
切夫災者也曷言夫災今天下十五國風雖各有治狀
水火刀兵無尺土不被其災矣滇甸孤懸萬里外况遭
安普弄兵之餘旱澇頻仍刁橫索錢小民正切於災而
無告也賴姜侍御公力持撫局禍亂以平譬之暴病去
身神氣未復烏附不敢再進參朮又難遽調病加小愈

惟此時爲然天王御極七年習知滇災寢重思得恩威
並茂陰養我土地元命者繼之久而難其選適四川道
御史李公以長蘆鹽政告滿考上上稔知其風力遂令
移節來按滇雲不知滇災之切民實未易爲功如五千
之貢金原非滇產以十倍價買之川蜀聞其口不下數
萬金屢經疏停今已復下二千金之令照例作貢矣如
每年之稅契原無定額不過隨民制產而取其稅數亦
多寡不侔今又新下五千之令按數取盈矣如夏秋之
兩稅新欠八千九百餘兩舊逋二十三萬餘石無田乾
認屯糧年該一萬三千八百餘金按牒追呼驚雞走犬
爲吏胥食邑戶以長兒孫久矣今遵歲參截參之令十
分盡徵矣夫以流離未歸瘡痍未愈輸輓方窮驚魂未
定之時又見檄催如雨賦倍他日剜肉醫瘡室如懸磬
課不可負死猶可賒則惟挺而走險岌岌乎亂之又將
作也公知官帑從出勢必派民拜數十疏有寬者停者
蠲者稍減者征一緩二者俱報可則是民有切膚之災
公有切膚之痛若天旱望雨而不期及時而雨滲漉至
此饑者如食渴者如飲此民之所以爲功故曰功以切

夫災也公捐俸薪贖鍰外能復搏節以佐軍需滇之烏
銳犀利造解荆襄制府使畏流寇不敢前公於新化維
摩板橋三鄉等處地落夷衛築石城以增形勝總其數
不止金錢數萬於民間絲粒無取也雖然守土貪汙啓
夷釁爲民害未善也復屢疏參劾不遺餘力且又望風
解綬不知凡幾禽土梟衙虎敗我族類者鋤之民始得
展手足至於戴盆冤號幾昏天日公來視獄悉爲平反
於戲都哉彰善癉惡激濁揚清此固御史之職然未有
動搖山嶽懷保小民如公者以故今日之滇較今日之

天下治登小康紆天子南顧憂皆公赤手之闢也遐邇
漢夷聞名如雷鐵面未識及按部至榆郡邑諸君率我
父老子弟蒲伏道旁退而作歡忻鼓舞狀謂李公眞天
人也去之日謀肖像生而祠之且曰前姜後李民歌且
喜因合祠焉祠在玉局峯麓某率鄉人登其堂而望之
西負口蒼東面洱口武侯祠翼其北伏波祠翼其南功
業巍巍錯如鼎趾風抗其高雲流其澤大哉觀乎此固
民宥公覆載沐公雨露以報公德遂欲爲公不朽孰知
公文武壯猷萬邦爲靈名載旂常勳垂竹帛當與麒麟

並口公蓋自有久長者而又何藉乎生祠生祠之者係於民忘不忘也詩曰君子萬年保其家邦其斯之謂與
總戎陳以牧黔記序

黔號鬼方舊屬唐虞治地今爲天漢雄藩撐炎徼半壁云十二衛暨支郡外萬口部落悉瘴雨迷嵐如蜂蟻如蟻如蝨誠爬搔扇撲未易盡屢厪當事憂逮天啓初安奮發難水西諸惡苗煽動禍結兵連十年不解天使飛將軍從空而下如我以牧者身經大小九十餘戰士飽而歌馬騰於槽至遠近懾服而猶不費全力譬之庖丁

陳忠貞公遺集

卷二

十四明談書

納園刊本

一日解十二牛刃若新出於硎功業何巍巍烈也當事者有紀如淮西碑焉且曰於陳將軍敘事獨詳吾爲將軍事恐不盡於紀然讀是紀卽古名將所未到者如江肘篝黑搖片片隱然岳家軍把河崖頭蔣谷等處夜襲且獻固不異雪夜平蔡至如會飲江干陰勒部卒分勦捷報至而樽俎未徹較夜半親奪崑崙闕數遣官行酒者勝多多許古有百萬軍中取上將首如探囊取物則與將軍縛老虫天於白納搗沙學於落隴宅吉何異若乾溝沙刀我師兩失利將軍突圍救活裹伏五六千人

仍與王大將軍明石三路設奇連奪老毛叩水八稿鬼
亮諸寨以百計皆非漢人足跡所到者莫不羅拜乞命
當年馬伏波征側貳以安九郡韋忠武征番緬取鐵橋
十五城而降閣羅鳳功雖同而神速實不及將軍先是
龍場孤旅人謂開山斧與霹靂鬪真子龍一身是膽叱
如蜈蚣谷籠勻哈陽橋擺金九股兩江等戰風雨之師
出於不意與飄飄往與忽忽來潛以三官五教九章善
用之矣崇禎四年冬會黔事告平制府上其功於天子
晉秩都督同知蔭一子百戶總雲南任時正駐兵金碧

陳忠貞公遺集

卷二

十二

四明叢書
新開列本

當普酋受撫後也赫赫寵命於昭厥功其於斯紀亦大
有光其又何恨麒麟閣有名無事也蓋將軍以英偉絕
世之姿折節讀聖賢書學窺儒奧有定遠介子風若沈
雄豪練又如淮陰而氣節過之紀者終曰非以首功論
將品真知將軍哉然則將軍之六花口書以及六十四
陣四千九十六變盡在黔記惟善讀者能得之

萬憲副滇遊草序

司馬遷常遠遊遊益遠文益奇元封閒奉使畧筇笮昆
明還報命滇固司馬舊遊地地受玉斧畫後人苦不得

遊遊輒有詩壯哉憲副公滇遊草其志卽司馬萬里遊也遊始於潯陽郊餞越三湘過五溪經羅施國峇與滇池之楫徜徉金碧之鑣名山大川碩人君子歷覽盡矣西則點蒼洱瀾九鼎雞足石寶博南□□在金沙瀾滄間星羅碁布遊屐所到發爲嘯詠詞玉聲金風入竅而於禺谷傳聲水擊石而噌吰鞞鞞而響應山之顏色川之眉目碩人君子之譙樂感懷皆於詩寫其深焉昔杜工部自秦川越成都所歷輒作一詩雖山川如畫而妙實不逮蓋憲副公接廷堅之派而蘊藉過之卽台髯蘇來讀當見魯仲連李太白況其散焉者誠以此語遷遷且恨不見之矣某備員屬下竊附同遊迺於詩欲作解事語終不能贊一詞也語云尋丈之竿豈能測滄海之深哉

雲南曲靖府志序

今曲靖介滇黔趾當蠻彝衛尤阨兩廣四川孔道亘稱重鎮於稽其古星分觜參城居梁益繇於木觸九隆哀牢設國之際所謂竹浮三節夜郎稱王之疆也雄於遐荒不歸版籍阻於聲教甘守侏儒蓋自彩雲見而墜始

附於漢王天威著而襟遂改於蜀相尹道直傳汝南之
學爨府君守司馬之符閑珊以竹枝雞豆稱筮師阿呵
以蝌蚪蟲蠶造爨字草偃西土波伏南天斯固六朝之
終猶暨大唐之始何至天寶之禍竟薤玉斧之裁若以
味懸開自夜郎遂以漢武作之盤古不知神農壤過日
月之衣我大明輪周天地之整統志無減職方圖經豈
殊禹貢二萬六千年之變其俗一萬二千里之異其風
記載罔傳典型奚鑒爰有郡乘未登棗梨祇爲地方嘗
驚烽燧茲遇侍御李公具天地山河之眼抉四明稽穴
之藏唵風雲於洱蒼走雷霆於金碧邁節曲靖候代南
牀求張官置吏之心動保世維邦之念殺青地志授簡
天工愧不敏於斯文竊有感於小史按圖興歎掩卷致
思山川學其高深郡邑鑒其沿革官師以名而載斷然
澤及下民人物以賢而傳畢竟名高北斗軍兵戶口之
數按籍須知差徭賦役之繁因時可節列財貨以作民
用記疏穀以食土毛載之疆域而城池尊書之蓄祥而
德業勸顧此志也準諸經矣卽文靖水旱之疏亦吉甫
會計之錄實以望於守土轉以俟夫觀風壓境烏蠻當

有以敷其窺覘環封赤子宜有以督其□□庶誦讀可
安泰磐斯誌譜實靈鐘鼓箴規在目補揀惟心是故修
魯春秋堪懼亂臣賊子然則收秦圖籍終能滅羽降嬰
此先王所以耀德不觀兵亦後世所以開卷爲有益尺
幅之際數帙之間毋爲紙上陳言允是郡中信史常璩
樊綽掩其志班固史遷失其雄況今攬轡停車功德實
高於秦漢握瑜懷璧文獻更足於夏殷煥人文於斗星
媿風俗於鄒魯慢漢夷之疆界維國家之藩屏實有賴
此郡志之新刻也恭承嘉命敢不濡墨弁簡云

滄洱圖說序

滇屬梁州域有瀾滄卽黑水介大理東南禹貢曰華陽
黑水惟梁州若滄洱則又爲大理胸背矣水經曰羅谷
山中洱水出焉漢書曰山似扶風太乙之狀稽我皇圖
越漏天三十餘里以不列洞天福地爲隱逸無論當臥
遊不入宗少文夢卽當劉覽亦未肯戀兩司馬節獨雄
南服不知幾人稱帝幾人稱王惟太祖御世以來始隸
一統志余嘗寤寐見之幸未隨牒遠方署在滄洱聞信
有夙緣星鳥六易猶不忍別豈滄洱不樂俗吏耶抑俗

吏無媿滄洱耶山嵐掛席海濤在門雲霞隨我輪蹄冰
雪礪我心骨思欲圖說形勝以報而未有暇丙子秋適
高子拱極手滄洱圖說一卷謁余山川人物暨俗尙土
產采輯郡乘詳畧有法宛如畫出語云畫前有易刪後
無詩去其圖存其說可也蓋昔蜀川自經少陵題詠覺
吳道子大同畫筆爲贅余於滄洱圖說更復何言儻他
日東歸弔上諸友人來索滄洱之勝余將是帙應之
其卽鵝城明月鶴嶺清風人人送與之意遂爲語弁其
端以付高子

奇奇賞跋

周柱下史聃多奇書孔子往觀焉以天下之至奇奇不
過六經用贊修刪定法傳之孔子亦好奇也是故文自
春秋戰國先秦西漢六朝唐宋以至皇明其間著述爭
奇莫不以六經爲祖紙將塞乎莩墜明卿先生曰安得
聃藏孔讀哉迺口口眼遴其奇者賞之列爲古文明文
集各選續卷幾盈千千古奇文盡於此操觚家好奇得
讀此書便當絞烏白鳳之吞吐顧家鮮五車目乏十行
步窮章亥安能盡得奇賞而讀之直指李公夙稟異姿

讀破萬卷淹貫博洽胸涵石渠天祿而解脫筌蹄晃晃
然玄珠獲於赤水欲從奇賞約而梓傳以助十五國采
筆久矣會甲戌冬奉命按滇遂攜奇賞當萬里粹擷探
禹穴傾酉藏披金馬碧雞之雲耀蒼山洱水之月繙閱
二千二百餘年之文奇之中又拔奇焉泰衡華嶽高古
收之濫頽息壤雄特傳之口籀丹篆神異寶之千將莫
邪光怪羅之豔城蜃閣變幻盡之生馬長蛇靈活取之
豫章鄧林宏偉蒐之蕊珠閨風幽豔掇之彙口若干卷
壽諸棗梨爲舉業津梁浩繁捷徑刻成以示工曰奇
賞之有奇奇賞亦有史記有評林漢魏叢書有鈔二十
一史有輯要供善讀者心賞云工聞之漢司馬相如建
節關越巒西至若口盛覽尹珍輩從相如受經文教始
關先是故有彩雲之兆昭代以經術取士六詔人文炳
朗蒸蔚媿於鄒魯惟三吳口籍尙阻舟車有志之士每
讀物華天寶人傑地靈南中不讓寓內獨未能使東壁
圖書不脛不翼移貯昆明池上以是憾天地之大孰知
執繡斧以運巨靈登西臺而抒武庫者抉雲漢於華峯
而手補造化也博綜奇書文林學府約集要錄咀英嚼

華第見藏軸之隲括包囊鴻濛縹緗之含茹籠絡虛霸
使讀是書者見所不見聞所不聞而亦見所易見聞所
易聞無事汗漫涉獵遍窺古今著作之奧蓋用贊修刪
定法以合猶龍氏眾妙之旨而與六經相表裏也人文
耶天文耶謂爛漫五雲一現於相如授經之前者再現
於是集可矣觀止矣賞千古之奇文者又盡於此今主
上神聖述稽遐覽聚政事文學之奇節宣治化而尤重
代狩之權觀五方風氣神道設教使海隅日表光被文
明是集也正以設教爲首務而通經濟之學於不窮行
將與激揚實績並獻天子觀百代於須臾撫四海於一
瞬渾渾灑灑蹇蹇諤諤俱以絕點奇猷爲國史光垂不
朽方且脛翼寓內極於無整寧止作南中嚆矢已哉

徽江王通守治水序

盈天地閒者惟水惟治水無術非無術也實無學也是
故水學自混沌來獨神禹得而著之經後千載白圭亦
以治水聞口至鄰國爲壑噫水學絕矣孟子曰水由地
中行取其卑也卑也者道之室王者之器也而水以爲
都居噫水學在是矣今天下當泛漲始言治而其術又

與水鬪不尋古道以安卑下此激江海口所以常不治也蓋激江有海名爲湖一日撫仙在河陽縣周三百里一日星雲在江川縣周八十里感受萬山疊嶂之流向海門而達海海口舊有水道築隄閘防奔潰如梅子牛舌等壩一遇積雨卽變滄桑費上下財力屢築不固因而歲修竟將膏腴付之波流賦稅取之賠累幾徧激江之哭矣我稽山王侯通守是郡蒿目時艱實欲首講水學以救墊溺適直指姜公以治水檄勞之公歎曰水之性愈塞愈衝愈束愈怒治者無術順其卑下而已昔季

路爲宰孔子見其溝渠而三善之冉求用田賦孔子取周公溝洫而訓之亦治水於卑之意今海口水道卽溝洫遺制利而導之積患可彌迺至海上相其委地礙者鑿之壅者濬之狹者大之用六柳法伐松爲萬年椿而以梅花數密釘焉又伐石爲丁字砌而以秬米粥雜松葉搗螺灰而灌焉高如石垣堅如鐵壁拘兩海水而使走之隄隄賦形奔流不復迴顧退出壅淤遂成良田而鴻雁翻然來集厥功豈細哉語云有大役必有大費茲役夫匠等不下數千指而費僅四百餘金人受實惠事

受口成不五月而工竣較一十三年之兗州二十餘年之瓠子事半功倍矣何以明其然也管子曰谷之不徒水之不絕生螭與慶忌慶忌者其狀若人其長四寸涸澤之精也螭者其形若蛇其長八尺涸川之精也今未決水得一巨白蛇既決水復一小石像非得治水之術何以明徵若此吾故知其功自不朽也况公才高雄練沈密治郡如治家動必有大之謀治中別駕不足展其驥也請以至清至一之蘊終將大用於世若治水者或亦兆之也故曰聖人之治於世也不人告也不戶說

隱真公遺集 卷二

十四 明鏡書

續圖刊本

也其樞在水諸大夫人士皆有詩而余爲之歌歌曰遙觀碧雞金馬之東南積青疊翠山抽簪露雨萬壑噴雷雪星雲撫仙大海涵海沿激江兩花縣河陽江川浮水面馮夷駢下海門橋壅口口怒故道變府舍室廬飄虛船蛟龍魚鼈登平田舊隄築愁并築怨滄桑幾換未百年百年滄桑徒怨望年年歲歲賦波浪鴻雁哀哀向外飛夢魂猶在蕪茫上王君禹穴得玉圭馭風含命來天西疏瀹決排憫墊溺百杵雷動萬鍤齊行其無事利溝洫開鑿非關五丁力梅花密釘海底松隄成天險稱雄

塞不沈壁馬不刻犀怒濤驚濤萬水卑奔流到海不迴
顧田廬退出還流離流離既歸田廬復秋來眼底登嘉
穀漢歌蠻曲醉後呼禦災捍患何神速豈不聞神堯充
州之野水極豪十有三年大禹勞又不見漢武瓠子之
口水大決二十餘年子贛烈君今治水水卽止五月報
成抑何駛螭與慶忌一朝生勛業巍巍先治水治水功
成名在滇勒功銘德千古傳天子萬年長有道終留碣
石摩青天

金滄寶少參移治臨沅序

陳忠貞公遺集 卷二

二十四明叢書

約園刊本

稽臨沅舊爲古响叮國與濮落蠻儂智高地茲屬金馬
迤東當滇省左臂有澂江廣西廣南臨安鎮沅元江新
興等郡州邑星棋布置大都高山大川關隘險阻兼黔
蜀外護誠鐵甕也太祖慮其南接交趾非重臣彈壓必
爲邊患乃從藩臬分治臨沅猶以新興勢資掎角更易
保釐而命之駐劄焉是故守臨沅者得其人豈惟臨沅
安全滇亦安黔與口亦皆安近自臨口口酋旬引交兵
犯順天兵討而逆我顏行總爲官司恩威未立地方騷
擾釀孽耳今孽子恤禍求撫尙有李季龍祿私鬪其境

毋謂小勿戒也癰疽發於指其痛遍於體是又望於今
之守臨沅者善持撫局而陰伐其萌也公以參藩屏我
金滄夷之環治而處者磨步吐蕃猛密赤髮黃精地羊
鬼相戒不敢出口水有黑水金沙怒江榆河博南濠溝
之險絕無漲囓隄防冲汜道路之患內則招撫流離以
綏奠我土司宣朝廷德教以明其□□之分惠養沅元
一惟剛柔協濟訟無鼠雀之爭政無蛇虎之畏越明年
政通人和開滇西一大保障部按使者言於朝遂移治
臨沅夫金滄之於臨沅雖越千里聲勢相倚正如率然
在山首尾相顧臨沅靖則金滄寧是故公在金滄則金
滄重在臨沅則臨沅重矣此兩境所以交爭終不能留
璽書之命公今行矣愚有說焉昔西秦雄霸天下仰而
攻秦秦人開關延敵九國逡巡而不進退而割地求和
秦若不得已而應之毫無矢鏃之費而天下毛髮已焦
此無他得最勝之策我常操欲戰之權也今臨沅之撫
局已成當事者有權乎善後機宜端有望於明公漢宣
帝問龔遂治渤海之盜遂曰使臣勝之耶將安之耶帝
曰選擇賢良固欲安之也遂單車至郡民皆安土樂業

是故□□公守寧州招撫戎落得其歡心宋小范老子
墾營田復舊業勤操練夏人戒曰無以延州爲意是明
公今日臨沅新政也佇見莽無伏戎塘無鳴隼哨無夜
傳之蠟夷無不渙之羣直以輕裘緩帶坐鎮邊荒如烹
小鮮歲惟綏我全滇而黔蜀亦且得安枕席矣郡守郡
佐謀所以申燕賀而命余余屬草謹述其時之最切者
以爲公之大用券焉

賀金滄寶兵道陞本省清軍驛傳序

滇在天之劇南漸被教化誠爲樂土亦有世道人心之

慮者不在諸□各夷未靖而且在軍政驛務未清高皇
帝戊申開基越十五年平雲南欲移各省軍號三十萬
彈壓諸夷曾腹心未寧姑藉土著後遂不變非糧馬官
軍可同日語也而衛以旗役齒毛概而冊之至冬句攝
操練索盡脂膏若以一衛供給之需端在土軍上操之
日軍其做矣站民愚懦人常應役馬常繫槽兼以驛吏
誅求過客鞭敲困極逃亡至於輿徒夫役之屬不啻十
萬近奉功令節省十之六則走遞不通飢寒嚼膚且又
逼處深山崇箐非中土膏腴何以舍役覓食包藏禍心

第恐乘機響應事有不可言矣想當事者亦慮及此日
惟斯二者思以賢良是賴夫賢良世固不乏五方風氣
人地不宜敷歷轉遷□□未著盡中外而求之誠無有
稱茲任者而天子特以茲任畀公蓋以公分治金滄也
大理鶴慶永昌麗江蒙化永寧等郡咸受制焉地之廣
袤數千里漢夷雜處號稱難治況自普酋震□以來四
空五盡野有哀鴻市有乳虎公之政不以水懦不以火
烈相口馬以調其剛柔燥濕之宜公卿大夫士庶軍兵
厮隸以及蠻夷獫狁鳥言卉服之類賢者思奮愚者思

明強者思退剛愎勇悍者亦思吐其腹胃換其耳目城
池市井街衢道路田野溝洫之閒而毛而羽而介而鱗
而倮之沙土息土堅土虛土耗土無不翱翔至德歌詠
教化則金滄一帶恍然畫出羲皇正如胡寬之造新豐
而今又觀政焉譬挈函□之鼎而烹之□器有餘也一
朝解十二牛批卻導斨刀若新出於硎刃有餘也慎斯
術也以往則令全滇向化勢如建瓴破竹不惟軍政清
而貔貅虎豹且爲邊衛壯觀驛務清而樽節愛養又寓
朝廷至意於以除世道人心之慮所謂盧扁之里無病

夫蓋其口於未病也抑口今上宵旰不遑以求邊才聞
公之政口將口第於東旄星夜落駒牙盡至矣但我金
馬碧雞之間公之手闢天地喜得遊口蚤矣大理郡牧
暨其佐輿屬邑長朝夕在公宇下幸際公之晉秩移駐
省會而句言於余余亦子民也自去年奉口口歸里門
踰歲矣耳公政聲沐公德教猶處天地之中而忘其高
厚今欲頌言德政是掬抔土而益泰華能免山靈笑乎
姑寫五郡過化存神之景以爲軍政驛務祝嘏

蒼山祈雨文

陳實公遺集

卷二

三四四明叢書

約園刊本

蠢爾丞民所天惟食田曰雷鳴農不能穡雨其滂沱維
神之德噴霧興雲功實不測矧當稼時亢陽孔亟龜坼
田畦魘舞溝洫歲更洊饑道繪菜色今又失栽元命趨
極日夜勞思惟口口職熒惑可移負罪引慝虔告明神
共鑒民力土潤氣蒸願勿實穡廣沛弘施庶類蕃殖民
尚有秋神亦不忒惟吏與神陰陽司直爲急民艱匍伏
屏息其雨其雨望在頃刻

祭明衡李侍御文

惟神嶽嶽蟠珠韞璞濬發吉祥誕育文章得時鳳閣摛

詞門牆桃李春風滿枝廣視騶馬天街行且止繡斧
東閣霜肅外臺冷面寒□□□□□歸天□□簡待
且綸綍重新滇雲再按蠶茲普酋□□□□□檄
克壯其猷人馬龍戶銷兵破弩清濁激揚西南召虎□
□伯年重闢地天鏞銘金石圖畫凌煙虎頭猿臂身未
逮志藏舟不堅箕尾馭駟海闊天空笛裏悲風深山窮
谷考妣哭公願公魂魄英靈顯赫如山如河壯我金碧
公胤厥昌鸞驂鳳翔生死萬里道路□□某等蟻職賴
公功德撫棺涕漣天地慘黑降割降灾莫知所裁生芻
一束惟以告哀

陳忠貞公遺集卷三

縣後學張壽鏞詠霓輯

文

戊辰選貢祭祖文

維崇禎元年歲次戊辰九月戊午朔越十九日丙子曾孫天工祭告明山始祖暨昭穆歷祖曰茲因天工叨荷覃恩得中選貢龍飛啓蟻伏之門鶡薦開鵬搏之路崇禎顓俊兆起風雲盛世思皇慶餘水木鍾明山之靈秀遠武宋室名臣聯科甲之絲綸近接明朝翰苑敬潔桂醕用伸虔告

陳忠貞公遺集

卷三

一

四明叢書

約園刊本

壬午歸里祭祖文

維崇禎十五年歲次壬午十一月丁卯朔越二十七日癸巳曾孫良謨祭奠明山十五世祖忠肅公暨昭穆歷祖曰鬱蔥佳氣水木本源明山鍾異宋代衣冠傳世十五遭逢明聖戊辰恩選祥發其端庚午辛未聯飛三捷投牒萬里南詔盤桓戊寅召對欽授御史請改今名宗序始安持斧西蜀時艱孔亟鞏藩卻寇瀝膽披肝已卯叱馭四載靡盬壬午秋孟疏復金鑾錦江瀾靜仰慰西

顧得代歸里祖澤瀾灑潔牲庶品式展孝思蒼蒼松柏
啓佑鍾蕃尙饗

題太白山人張庚星小影

閩南著書五千言潮陽吟詩八百首生平嗜書兼嗜酒
書不停披杯在手出則儼嚴之梅羹處則商山之橘叟

平安家信

弟良謨頓首二月廿後連有廿五六兩號家書付孫九
如并宗海管家任瑞順寄數日前因真定有亂兵之變
傳是流賊破了京城戒嚴隨後知是兵叛人心始定只

陳忠貞公遺集

卷三

二

四明叢書

約圖刊本

是外解杳然兵餉無措屢傳諭旨向文武百官借助一
次解都察院一百兩今又於浙江省七千數內派認二
百兩急在燃眉尙無措處今差大老往各省勸借浙直
等處乃原任大司馬張玉老也凡在外見任在籍縉紳
俱要借助其數目以多爲上其名色亦不一或免罪或
復官或納官納封其能多助至一萬二萬者或晉爵或
晉階或以子弟爲官恩典甚厚在京見任各官俱已捐
助過了捐助數少不在勸借之內要各舉堪借富紳無
有舉者故爾差官勸借我一次助過六十二次助過一

百今三次又要二百稱貸無門病中心如火焚身如卧
甌以此舊病又不時舉發君父如此焦勞時事如此孔
棘臺班何官乃卧病竊祿何以自安覓在告病求歸幸
總憲先因奉旨選差河南巡按不論新舊疏內已說我
患病情真不堪選差三月初五具呈求代奏已批發掌
道今只候代奏奉旨便可出京只是人頭債多尙無盤
費儻得給假回籍又作區處以我病勢遇今時勢度已
量力不但不願做官雖欲做官實實的做不來了惟歸
家杜門服藥尙可保殘喘侍老母菽水我原無宦囊無
產業此番在京負債甚多目下苦狀比星符在京時又
大不同了只是手下人少欠人用奈何京師安靜如故
恐訛言亂傳慎勿輕信歸路水陸未定看都察院代奏
消息如何又寄信不盡三月初六日弟謨再頓首外久
思字一封寄星符書一封天保寄書二封

遺囑

殉難之官不應口言家事但我年五十六尙無子承繼
事以家庭之理論自屬嫡姪久樞但久樞係長兄長子
別無餘弟不能專爲我後毛家外甥係胞妹之子第三

甥小官向有成說劉星符第二子武官係妻兄弟之子亦曾議及恨我去年赴京時不早定此計今遺命並立三兒兄弟稱呼炤年齒我一生清白無宦囊薄田不多凡在納糧簿內者除賣造父母墳塋并留祀田外餘俱三分均分內久樞一分不論執杖不執杖並與之老母年高惟靠兄姪奉侍他非所及崇禎十七年三月十九日手書遺囑

題絕命詞後

爲臣爲子不能兩全慷慨從容同歸一死大明四川道監察御史陳良謨書於賊陷北京之日

絕筆

食君之祿國亡與亡良謨抱病日久生旣不能手刃李賊死當爲厲鬼以殺之三月十九日絕筆

陳忠貞公遺集卷四

縣後學張壽鏞詠電輯

附錄上

諭祭

明諭祭文 弘光元年

皇帝遣官諭祭殉難四川道監察御史陳良謨之靈曰
昊天鞠訕廟社遺懣龍髯鼎駕箕尾晨星惟爾粹白宅
心艱貞鍊骨惠敷溟李帝鑒揆留勞護蜀桐王綸游錫
追趨闔闔誓一死以殉君屹砥河山捐七尺而報國遙
辭烏鳥之養淚灑萱闈頓息熊羆之占血凝筵室興言
憫悼用示優崇爾靈有知尙克歆承

清諭祭文 順治十一年六月

皇帝遣官諭祭故明御史今賜諡恭潔陳良謨之靈曰
致身報主者人臣之大節褻忠揚烈者盛世之隆恩事
雖異乎兩朝勸尤彰於一代爾故明御史陳良謨賦姿
英偉醞德貞方宿秉丹心勁氣重蘭臺之望久標清譽
亮懷著馳馬之名迨寇陷都城投纆莫惜文章偕氣節
並垂學術與綱常同重爰賜祭壇載頒嘉諡嗚呼芳流

形管光增日月之輝碧化黃墟氣壯河山之色爾靈有
知尙克歆饗

畫像

陳忠貞公畫像



陳忠貞公畫像 卷四

一四明叢書
約圖刊本

陳恭潔公像贊 有序

沈祖懋

公諱良謨字士亮浙江鄞縣人崇禎四年辛未科陳于
泰榜第三甲第十七名進士原名天工思宗以爲喪天
改之初任雲南大理府推官考最擢四川道御史巡按
川中以楊嗣昌委過蜀撫乃並奪公職嗣昌敗命公留
蜀任兩年代還補原官甲申殉國難詳見全謝山先生
所作傳中公嘗夢拜文信國於堂下信國揖之上曰公
與予一揆何拜爲將殉難曰主不冕服臣敢具冠帶願
安所得潔巾而服之邑人李芳泰以巾進公藍便服著

巾入室自縊妾時氏從死年只十八南朝贈公太僕卿
諡恭愍魯王監國加右副都御史諡忠貞國朝賜諡恭
潔同治甲子獲瞻遺像乃爲之贊

贊曰賢如平原爲進明欺公之醅厚迺信督師忠肝義
膽化及淑姬雙湖不湮鑒此鬚眉

陳恭潔公像贊

有序

張恕

公自按蜀代還寫照於家世藏娑羅園旣園改爲祠塑
像其中遺照無及見者曩歲恕與盧孝廉杰王大令瀛
修葺公祠於敗楮中得公遺像敬加裝褉歸其族孫石

陳忠貞公遺像

卷四

三

四明叢書

約圖刊本

介先生每歲首懸奉家廟先生恐展轉遺佚令仲君烈
浩別摹一像而藏其原像於家屬恕識於上方并系以
贊

贊曰節義炯垂綱常永繫千尺貞松凜然霜氣文介忠
肅光輝炳麟公迪前人仰此丹青

題重摹陳恭潔公像

童槐

槐少時過娑羅園拜公祠下嘗瞻仰望像心敬誌之近
復得觀石刻像於旌忠廟迺與塑像少異然皆神完貌
瘁慄慄乎千尺貞松孤映寒潭之上俯仰聞霜氣逼人

也此帙蓋不能彷彿萬一矣雙湖張氏曰公像自在人心揣而得之誠不求形似云時丁亥秋九月童槐謹書於古紅蓮閣

謁陳恭潔公像

王莖

武陵樊疏漫深論日月光懸正氣存子職未供難兩盡

天潢且絕尙何言

臨終時作兩手書一上太夫人一以與承祧子

從容筆墨酬

賓幕

李芳泰

慷慨衣冠拜帝闈從識瀕行留畫影已拌一

死報君恩

冢墓

陳忠貞公遺集

卷四

四

四明叢書
約園刊本

故明殉難忠臣賓日陳公暨贈孺人時氏墓誌銘

高斗樞

嘗觀崇禎甲申三月之變蓋古今所僅覲哉天子英武親握太阿當中外訐瀆時宵旰憂勞銳意救寧而盈廷積丑無堪禦侮甚者韎韋諸君子衷實選懦而貌乃陸梁司馬之律久不行於棄甲之弁而賈販登壇輒委簡書於草莽賊自成一小豎子耳稔亂多年游窺天邑倉皇失措龍御上賓豈不痛哉當時殉難僅三十餘人然求其生能戮力不分負國之愆而死則慷慨決烈可觀

帝靈於赤霄之上而無愧者指能多屈乎吾謂侍御陳
公其庶幾云公自己卯奉命按蜀方是時賊獻忠自成
汝才輩旣撫復叛狂逞楚豫聞天子倚重輔臣楊公俾
往督師爰發楚豫及秦各大帥從北而南環集於鄖襄
公曰噫其將以蜀爲壑乎遂躬閱關隘悉飭文武爲堵
勦計而蜀鎮將羅尙文驕殘娛酒色公疏列其狀謂必
不能辦賊雖廟堂竟務優容然稍知戢矣蜀撫邵公捷
春悉調蜀師分列諸隘二十餘所蜀兵固單分益多力
益薄而督師擁三省重兵尾賊後竟無一旅從聞道疾
驅至蜀以扼賊奔者追賊入蜀則以疏防詆邵奉旨逮
治於是蜀民大譁謂疇擁重兵而任賊狂奔邵公固無
罪胡逮也不呼而集者數千人欲毆緹騎公力爲解諭
羣譁始定時奉旨公專護藩撫臣專辦賊公雖護藩居
成都猶以餘暇遍飭各郡邑糾眾城守務堅壁清野使
賊無可掠以待督師又調度諸將時出奇邀擊以裨新
撫所不逮故賊入蜀旬月雖不無殘破然各郡及衝要
諸城悉堅守賊不能大得志最後犯成都公部署久定
發裨將某等分布要害犄角相效一再戰賊果奔遁百

里遷延東去復入巴巫楚督師提三省大師盤旋蜀道
竟無能一戰及賊東督師遂大潰而襄宛繼陷親藩被
戕燎不可再撲矣然以衄督師陷襄宛燎延中原之勢
而竟不能得志於蜀謂非公鄧之乎天子焦勞方甚初
不能無誚讓既知蜀堅守狀且藩封晏然於是優旨賜
銀幣仍命公又居蜀以善後而言者交章論輔臣玩寇
逗遛悞封疆大計天子屬公覆按公遂奏輔臣在蜀擁
重兵尾賊後旬月閒未嘗一大戰且閉秦開蜀輔臣陰
謀等狀會輔臣已先卒猶追褫其職焉又二年公得代

還京則賊自成已踞楚嘶豫趾秦從三晉窺畿輔各省
鎮兵先後調發殆盡皆以潰衄聞而京軍徒以虛籍倉
卒召募悉市井無賴天子召諸大臣問何以禦賊率囁
嚅不能出一言公時時從大臣有所規畫輒廢格不行
退而泣曰事不可爲矣吾爲朝廷耳目臣誼不可生頃
之賊薄京師城陷公具冠服再拜遂縊蓋縊時距先帝
上賓不踰晷刻云而是時賊獻忠已從楚再入蜀蜀郡
邑百餘城盡陷遂僭號成都矣嗟乎若公者豈非奇偉
磊落古之貞臣乎哉士君子居恆論天下事盱衡揚眉

率能任意營毀及盤錯當前自失者眾矣又甚者逞私意以誤機宜及事敗而巧逃於指摘都榮食味如故也公恂恂儒雅語不輕發與人交恆謙謹自持居言路不爲苛激矯厲之習以沾殿虎聲及當巨寇披猖率能措全蜀於覆孟天步艱難九閭盡晦從容就義之死靡辭豈不度越人情大有逕庭乎公前名天工改名良謨字士宏別號賓日其先爲長洲人宋時寓庵公矜以侍御史知明州遂家於鄞之茅山有右正文文介公禾爲宋名臣後有名大寅者知西和州元兵圍城堅守三月城

陷伏劔贈中大夫諡忠肅妻杜氏飲藥死贈京兆郡君諡貞烈弟大昌守成都淳祐間城破闔門死入明宗文愈蕃公會祖諱燿祖諱世志父思南公瓏以公貴贈如其官母鄔太恭人亦以公貴封嫡兄之星公其仲也公生而孝友居喪雞骨支床聞於鄉里少補博士弟子入成均登庚午鄉薦辛未成進士就選例應司李或謂公曰李缺僅一瀆之大理路遠地惡盍少需公曰筮仕而擇地謂臣誼何卒就選瀆故萬里外法網疏吏治不能無軼越公獨淳懇自靖凜持三尺先後直指倚公如左

右手六年考最陞見擢四川道御史遂出按蜀久之報命值京師危甚他報命多觀望其期或巧覘別差可外者輒營以出公曰果爾天子孤立乎如期入亦不營外差遂得巡視太倉未幾及於難方殉難時旅中獨有時少姬少姬都中人年十八公謂之曰吾死是矣汝年少亟歸依父母姬泣曰公殉國妾不當殉公耶且一婦人而躑躅鋒刃閒不如死可以無辱公公瞠曰汝固孱而能若是乎城陷姬先就縊縊而氣未絕爲侍婢所覺將救焉公曰是其志也宜遂成之姬之貞烈固天植亦公

精誠所致也公僕周明扶公并姬柩於干戈數千里中扶服歸鄞鄞人相率燃香燭迎於道拜而哭之諸子矜嫻於詞者相與詠歌且立傳傳其事廷議褒殉難諸臣贈公太僕卿謚恭愍輿情以爲未盡加贈右副都御史改謚忠貞少姬得贈爲孺人公生於萬曆己丑七月十六日距甲申得年五十有六原配劉氏封恭人舉一子久鼎早喪側室二俞氏李氏最後納時孺人俱無子以兄子庠生久樞爲後娶光祿張公子瑄曾孫女久樞卜丙申正月五日葬公於邑之清道鄉而時孺人耐焉因

謁余請誌若銘予曩爲疆巨愧不能死濡忍至今又安能壽公千秋不獲辭遂誌公大略而爲之銘曰

公功於蜀甫去而卹公殉於京甫至而傾浩氣鬱紆爲靈爲電贊帝於幽憫茲區甸新阡其疑金支翠旗有髮而侍實勝鬚眉

案是銘目後原署都察院右副都御史陝西巡撫高斗樞撰文貢生甥李文纘書丹兩行分列

明四川道御史再贈都察院右副都御史諡忠貞今諡恭潔陳公神道碑 全祖望

世祖章皇帝追卹甲申十九忠臣吾鄞陳公其一也公之卹典在勝國已有之後復邀新朝之恩命而埏道之文未具蓋公無後凡再繼而再絕以故遲之至今乾隆改元諸陳請予爲之子考明史所作公傳失之略而家傳又失之誣乃徵之高都御史所作誌銘并林都御史之集別爲一通以畀之按公諱良謨原名天工字士亮一字賓日宋文介公禾之後崇禎辛未進士釋褐雲南大理府推官滇中道遠而土瘠筮仕者多畏之及公謁選而銓司僅有大理一缺或曰憲少待之公曰擇地而

仕非貞臣也慨然請行至則以法清浪穹民屯積逋之困蠲稔歲糴東晉湖爲趙州七村所仰給而漢邑亦資其啓閉常兩爭之公立斗門三闌於湖蓄洩以均因豁湖中新增夏稅練兵禦寇六載以考最召對時思宗方講敬天之學諭一切章奏箋表不得褻用天字乃御筆爲公更名擢四川道監察御史巡按川中公爲人木訥不妄言笑每當廣坐諸人論辨竝起公獨默然其居官循分盡職不與時風眾勢相和於世間所謂黨部門戶流品之說漠然不曉也時流寇鴟張天子倚督相楊嗣昌以平賊賜劔出征嗣昌初亦負時望及大用後日用舛謬自其用熊文燦爲總制大壞國事不得已親出嗣昌故楚人不欲流賊塗炭鄉里思縱之入蜀而徐圖之而公以巡按甫至公之在朝也不甚知嗣昌心迹猶以前此人望謂其才爲可倚旣抵蜀亦不知其將以蜀爲壑也躬閱關隘飭文武爲堵勦計初公奉敕專任城守以衛蜀王已而有監軍之命行閒功罪無所不豫獨剿撫進止機聽之撫鎮而撫鎮又受督相節制蜀撫邵捷春亦其願嗣昌不之喜欲誤其事而陷之公時時

調兵食以佐捷春賊遷延東去復自巴巫入楚嗣昌始
終思撫賊公謂捷春當仍調兵合東北二鎮以堵賊又
言川中閒道最多宜防詭師又極言賊之不可撫捷春
阨於嗣昌不能盡行公言而賊果乘虛自巴巫渡開新
公恐其薄成都晝夜講求守禦之法賊偵知有備不復
至嗣昌委開新之過於捷春有詔逮問并奪公職令殺
賊自贖公之受事也嘗奏言督師實心辦賊其功可就
識者知公樸誠將爲嗣昌所賣至是而驗及秦兵報瀘
州之捷斬首一千三百餘級嗣昌夸爲大捷而公覆按

有瀘州殉難官民無首一疏極言秦將之欺罔

時取官民死事

之首以乃知嗣昌之誤國而賊已自蜀入楚襄王被害

嗣昌聞報自裁天子爲之旰食命公留蜀以任後事再

踰年始代還以乞假省親歸公之歸也同里林大行繭

庵迎質之曰聞公前此有獎武陵之疏然否公歎息曰

良有之不知其方寸一至此也大行笑曰公從西臺出

獨不知其排黃石齋殺盧九台陷楊機部害孫白谷引

陳新甲熊文燦耶而尙信之耶公謝曰是吾罪也蓋公

之醇原有如此者返命補原官監視太倉時國事已去

京師在官者皆求南下以避禍公瀕行獨呼畫師寫照而後發或問之曰此委身而去之日也生還其可望耶甲申三月十九日城陷作書二函一上太孺人一以與承祧子久樞賦絕命詞示其客李芳泰公之少姬時氏燕人也時年十八已有孕公欲使僕從護之南行不可欲遣歸其家不可請先公死腕弱結纆不急公助之歎曰一婦人乃如此時氏氣絕公乃自縊時年五十有六義僕周明扶公柩及時氏之柩歸鄞人相率焚香迎拜哭之南都贈太僕寺卿諡恭愍東江加贈右副都御史

持祿養驕以與於誤國之罪是小人之歸矣其以愛公而誣公不亦愚乎又云公於嗣昌死後劾之遂追削其官爵按嗣昌身後未嘗褫奪也諸公不審引入志乘可謂疏矣是不可以不辨公之墓在城南蔣監橋其祠在城北娑羅園乃又爲之銘曰

公之大節足感信公五百餘年魂夢早通失於武陵不害其忠粹然心迹天日昭融彼諱之者適成愚蒙我銘公墓據實折衷

乾隆浙江通志陵墓一則

陳忠貞公遺集

卷四

十三

四明破諸約圖刊本

明御史諡恭潔陳良謨墓在寧波府看經寺之南

雍正寧波府志冢墓一則

御史陳良謨墓縣西六里祖關

光緒鄞縣志冢墓一則

贈右都御史四川道御史諡忠貞今諡恭潔陳良謨墓看經寺南高斗樞撰墓誌全祖望撰神道碑


兩浙防護錄一則

阮元

都御史陳良謨祠墓良謨字士亮鄞縣人崇禎辛未進士擢御史出按四川時流寇蹂躪楚豫間遂躬閱關隘

嚴飭文武將吏爲堵剿計甲申京師陷書絕命詞於壁
自縊死妾時氏方有娠亦自縊死國朝順治九年賜諡
恭潔祠在縣北八十步鑿橋側娑羅園墓在看經寺南
陳祖確曰神道碑公墓在城南蔣監橋卽省志縣
志及防護錄所謂看經寺南是也府志作祖關誤
又案蔣監橋隸桃源鄉墓誌作清道鄉亦誤今看
經寺南土名陳家岸皇封漕墓門石坊大書敕賜
祭葬四字墓坐亥向巳兼乾巽墓門坐乾向巽兼
戌辰

陳恭潔公墓圖



傳記

明史列傳

陳良謨字士亮鄞人崇禎四年進士授大理推官初名天工莊烈帝虔事上帝詔羣臣名天者悉改之乃改良謨在職六年兩注上考行取陞見擢御史十二年出按四川期滿當代再留任時流寇大入蜀詔良謨專護蜀王巡撫邵捷春專辦賊良謨飭守具堅壁清野賊犯成都遣將據要害爲犄角一再戰賊潰奔帝聞賊擾蜀下詔責良謨已聞其善守禦乃優旨賜銀幣及還朝賊勢

陳忠貞公遺集

卷四

十五 四明叢書

約圖刊本

益迫所規畫率不行而京師陷矣良謨嘗夢拜文文山於堂下文山揖之上曰公與子先後一揆何下拜爲覺而異之及是城陷良謨方移疾臥邸中一慟幾絕自是水漿不入口或勸良謨無死不答謂邑子李天葆曰吾爲國死義不顧家惟是母老先君莫葬繼嗣未定須一言耳因賦詩付天葆未幾聞帝崩煤山大慟曰主上不冕服臣子敢具冠帶乎吾巾褻安所得明巾天葆以巾進良謨著巾藍便服起入戶妾時氏隨之遂與妾俱自縊死時氏京師人年十八良謨踰五十無子以禮納之

侍良謨百三日耳良謨既卒其族人以其兄之子久樞
爲之後未幾久樞亦卒良謨竟無後贈太僕卿謚恭愍
本朝賜謚恭潔

乾隆浙江通志忠臣傳

陳良謨字賓日鄞人崇禎辛未進士授推官擢御史按
蜀時流寇蹂躪楚豫閉遂躬行關隘飭文武爲勦禦計
甲申闖賊陷京師良謨書絕命詞於壁其僕勸之曰太
夫人在堂主人又未有嗣何遽爾耶良謨不爲動令一
姬先自盡手書一辭母一辭屬承祧者遂冠服自縊國
朝賜謚恭潔命有司立祠歲時祀焉

陳忠貞公遺集 卷四

十六 四明續書

約圖刊本

雍正寧波府志忠節傳

陳良謨初名天工字賓日後改今名鄞人崇禎元年恩
貢入太學中四年進士授大理府推官擢四川道御史
巡按四川差滿愍帝稔其清特命留任流寇自楚入蜀
良謨閱關隘飭將吏爲堵禦計已奉敕護藩猶集眾城
守調諸將出奇邀擊賊不得肆志復從巴入楚良謨功
爲多至十六年始還臺甲申三月十七日闖賊薄都城
良謨知勢不支謂同邑李天葆曰都城旦夕破臣子除

一死更無別法惟是先君骨枯淺土老母日薄西山吾
又乏嗣目殊不瞑相對嗚咽自是遂絕食城陷居民頂
永昌順民字設香案迎賊僕姚文出偵亦頂之歸未撤
良謨大怒曰汝欲汙我耶文告以偵探非此不可意稍
解命具紙筆書遺囑作絕命詞一首末又書爲臣爲子
不能兩全慷慨從容同歸一死數語須臾煤山報至良
謨拊膺大慟求死將死謂天葆曰主上不具冕服臣子
敢用冠帶顧吾巾褻天葆卽以新巾易之曰先生行矣
千秋事在後死者良謨曰臣子分誼應爾也僕周明在
側復囑之曰干戈滿地行路甚難可火吾骨歸先壟遂
扃戶自縊纒急噴血濺地姚文破窗入高其懸乃絕年
五十有六初正月朔良謨夢謁文信國於堂下信國揖
之起曰吾與公先後人品相同何爲下拜至是乃符其
夢云本朝賜諡恭潔

光緒鄞縣志列傳

陳良謨原名天工字士亮一字賓日宋右正言禾之後

全祖望撰
神道碑

崇禎四年進士授大理府推官鞫獄平允

林時

對撰以法清浪穹民屯積遺之困蠲稔歲糧東晉湖爲

趙州七村所仰給而漢邑亦資其啓閉常兩爭之良謨立斗門二關於湖蓄洩以均因豁湖中新增夏稅練兵禦寇六載以考最召對時思宗方講敬天之學諭一切章奏箋表不得褻用天字乃御筆爲之更名擢御史

神道

碑十二年出按四川

明史本傳

張獻忠羅汝才旣撫復叛狂

逞楚豫閒上倚重楊嗣昌俾督師嗣昌發楚豫秦諸大帥從北而南環集於鄖襄良謨歎曰其將以蜀爲壑乎

案嗣昌本意以蜀爲壑明史稿謂良謨知而不言神道碑謂良謨不知誤已遂躬閱關隘悉飭文武將吏爲堵勘計鎮將羅尙文驕殘娛酒色疏列

陳忠貞公遺集 卷四

大 四明叢書

約圖刊本

其狀尙文稍戢

高斗樞撰墓誌

無何賊果入蜀聞詔良謨專護

蜀王

案明史本傳作蜀土

巡撫邵捷春專辦賊良謨飭守具檄屬

城堅壁清野

本傳

未幾敕管監軍

聞

會嗣昌不喜捷春欲

誤其事陷之良謨時時調兵食以佐捷春賊遷延東去

嗣昌思撫賊良謨謂捷春當仍調兵合東北二鎮以堵

賊又言川中閒道最多宜防詭師又極言賊之不可撫

捷春阨於嗣昌不能盡行良謨言而賊復乘虛自巴巫

渡開新

神道碑

犯成都良謨遣將據要害爲掎角

本傳於是

鄉鳴有沙河之捷唐良贊有城下之捷聞一再戰賊潰

奔帝初聞賊擾蜀下詔責良謨

案神道碑作奪職令殺賊自贖

已聞其

善守禦乃優旨賜銀幣

本傳

會秦兵報瀘州之戰斬級千

三百有奇皆割官吏士民殉難之首以冒功嗣昌誇爲

大捷

開志

及良謨覆按有瀘州殉難官民無首一疏極言

秦將之欺負嗣昌之誤國而賊已自蜀入楚襄王遇害

嗣昌聞報自裁帝爲之旰食命良謨留蜀以任後事再

逾年始代還以乞假省親歸

神道碑

十六年還臺

曹志

時國

事已去京師在官者皆求南下以避禍良謨瀕行呼書

師寫照而後發或問之曰此委身而去之日也生還其

陳忠肅公遺集

卷四

十九

四朝叢書

可望耶補原官視太倉

神道碑

寇勢益迫良謨數有所規

畫皆廢格不行

明史稿

十七年正月

案曹志作正月朔

良謨夢拜

文文山於堂下

案三垣筆記云白川中歸將赴京夜夢振衣於文山祠下

文山揖之

起曰公與余先後人品相同何下拜爲醒竊異之三月

十七日李自成直薄都城良謨方以疾乞假臥邸中知

勢不支謂其友同邑李芳泰曰

案原作李天葆攷者舊傳天葆名芳泰故改之

都城旦夕破爲臣子者除一死外無別法惟是先君未

葬母老吾又乏嗣目殊未瞑相對嗚咽自是不復粒食

續表

忠記具族姪一擊勸無死良謨曰吾志非一日矣

明季傳紀

錄十九日城陷居民頂永昌順民字設香案迎賊僕姚
文出偵亦頂之歸未撤良謨大怒曰汝欲汗我耶文告

以偵探非此不可意稍解呼具紙筆續表忠記作二書一辭

老母一以屬承祧者志復賦詩云中天懸日月四海所

畢照倏爾陰霧昏日月失常道仰觀我明明薄蝕一時

變書至此忽颶風襲牖案續者舊傳作忽有震電挾風而入隨續云電風

自南來光復天心見大夫百執事其敢忘明君媿子沈

疴久牀第淹數旬背城孰盡瘁巷戰杳無聲如何社稷

靈僭爾順民形載舟亦覆舟古今同一轍順民卽逆民

陳忠貞公遺集

卷四

二十四明被書

約圖刊本

參觀非一日蒼蒼不可問國亡我何存誓守不二心一
死報君恩末又題云爲臣爲子不能兩全慷慨從容同
歸一死大明四川道監察御史陳良謨書於城陷之日
書未畢煤山凶問至撫膺大慟曰主上不冕服臣子敢
具冠帶乎吾巾褻安所得明巾芳泰以巾進良謨著巾
藍便服芳泰曰先生行矣千秋事在後死者良謨曰臣
子分誼應爾烏乎名復語僕周明曰干戈擾攘行路甚
艱可火吾骨歸葬先壟遂扃戶自縊噴血濺地姚文破
窗入氣未絕良謨呼文高其懸乃死是日之申刻也續表

忠記○案林

年五十六

墓志○案原文生於萬曆己丑距甲申年五十六與神道碑同

傳作午刻

而林傳謂生於萬曆丙申年四十九誤

周明以良謨柩及從死妾時氏之

柩歸鄞人相率迎拜哭之良謨爲人木訥不妄言笑每

當廣坐諸人議論蠶起良謨獨默然其居官循分盡職

不與時風眾勢相和董守諭嘗曰三代下未有不好名

寶日不好名其殺身所以獨真也福王贈太僕寺卿謚

恭愍魯王贈右副都御史謚忠貞國朝世祖章皇帝賜

諡恭潔命有司致地七十畝以祀之

神道碑○案浙江通志命有司立祠

歲時祀焉

族人以其兄之子久樞爲之後芳泰字天保

案明史作

陳忠貞公遺集

卷四

三四明叢書

約圖刊本

天諸生客良謨邸良謨投繯爲視舍殮微服南歸乙酉豫

於錢肅樂幕府從戎江上軍敗齋志以卒同時陳鳳圖

字聖則貢生初爲良謨倡和之友亦隨征瓜里年八十

餘卒

續資舊傳

四川道監察御史贈太僕寺少卿陳恭愍公暨側

室贈孺人時氏殉難合傳

林時對

聞之匿大媵而弗彰君子之責矧亮節雙升乎或曰筆

慙狐史好臧否人物抑無所可傳而傳之必有請乎爾

其爲子之不沒父美也者其爲夫之不死妻美也者其

爲友之不掩友美也者美是以傳無其子無其夫無其友爲隱焉爾桀跖行也而有爲之後者墓棘之旁綴華辭矣顏之孔之而前無之挽後無之推歿則已焉疇復叨榮秩宗邀聲彤管者嗚呼人之稱斯媿也其繫諸傳之者與請爲傳之者顧不重哉吾鄉陳侍御賓日暨側室時孺人所謂有其可傳而無爲其後與爲其援者然而人爭傳之且爲大會而哭諸雖則直道之在人其又不繫諸傳者與請爲傳者矣余得而傳之從同同也公生明德後恂恂謙篤有豐玉寒纊之譽奉親孝事兄友

少補弟子員食餼爲崇禎戊辰恩薦入北雍庚午辛未聯雋南宮授滇南大理司李鞠獄平允奏最舉廉卓擢柱下史珥筆多抗言鯁直不撓出按蜀桓聲大振寇氛孔迫設城守偵探諸策刻有保藩事宜捍禦危疆三載蜀人恃爲長城差滿省覲里人士以慈闈年高勸之終養公以時事鞅掌未敢爲偃息計太夫人以嗣未育諭令納妾遂娶時少姬而報命焉甲申三月逆闖犯闕京師失守宮車寘駕公自誓死殉念氏方十六歲遭之歸氏泣曰臣死君妾死主夫復何言遂先公而縊公乃作

書謝母投纆而絕時十九日午刻距生萬曆丙申七月十六日得年四十有九嗚呼忠歟烈歟兩木磊磊一朋卓卓公誠垂帛妾實可冠眎夫以第一人宣麻以四品收擢相或世嬰簪紱或名竄清流有萬死之理無一生之路者輒亦奴顏僞庭公殆不欲妾之吾鄣自數千百載來大賢名公貞女烈婦照耀郡策者馨竹而死君死主若公若氏未之前聞殆丹山赤水鍾茲雙節東甬之區於焉不朽余夙叨知契今仰忠猷惜公似續無人無爲請其傳故不避臧否之譏而記其略以埃簪筆君子有以采焉

陳忠貞公遺集 卷四

三十四明叢書 約開刊本

陳御史傳

周容

陳御史賓曰先生子同邑性端謹與人交訥訥若不能出諸口家城北隅及旣貴城中如不知有其家者以天工名貢入太學登崇禎辛未榜進士授雲南大理府推官凡進士聽新除率請託便地爲攜妻子歸財賄計而大理尤險遠莫肯就先生曰是夷之矣慨然就道五年人爲御史更名良謨出按四川回視光祿甲申三月十九日都城陷先生正衣冠向闕拜曰小臣不能濟國難

止一死遂自縊時妾時氏娶甫數月先生謂其姻友曰時氏事予淺子爲歸之命時氏出且曰子無子爾有姪矣若舉男當還界我家時氏曰男女不可知卽男成立不可知不如從公死免取辱遂亦自縊也年十有九李賊之難吾郡死節者惟二人而時氏又一女子

贊曰列傳自班馬止稱名余於賓日先生稱官者其殆遵春秋孔父仇牧之例歟若於死江陰之閻應元而直稱典史者又非此例所以愧當時之高官而尊爵者也然閻典史之傳亦已亡矣

陳忠貞公遺集

卷四

十四四明叢書

約園刊本

雪交亭正氣錄傳

高宇泰

陳良謨原名天工字賓日鄞人辛未進士謁選得推官時止有雲南大理缺眾說公且緩期可避此遠地公毅然曰滇非王土耶四方惟命之謂何卒就選遷四川道御史巡按四川督師楊嗣昌以荊州阻江路絕欲導賊入荆三面寨兵以困之賊衝蜀撫邵捷眷一軍自夔入蜀於是捷春得罪公拮据禦賊無所失於是疏嗣昌失事於朝詔公再按蜀一年而還三月十九日聞城陷語左右曰吾爲國死義不顧家祇此先君窀穸老母侍養

中年無子繼嗣未定須一言因囑左右書絕命詞一章
詞載公詩
文集中 公妾時氏新娶欲遣之歸曰相公有志盡忠
詎謂妾婦人不能死耶乃先公縊公欣然就縊詢其友
李芳泰曰安得有明巾泰卽以已巾易之從容整冠局
戶而絕弘光朝贈太僕少卿諡恭愍時氏贈孺人初公
按蜀回里將復命行有日矣友人往見繪己像冠服儼
然曰公何凶凶事此曰時事日非矣旣以身付國家寧
必生還耶聊作此遺後人耳赴京未半載而遇難

明州錄傳

包旭章

陳良謨字士亮

卷四

五

明徵書

附錄刊本

陳良謨字士亮初名天工莊烈帝虔事上帝詔羣臣名
天者悉改之乃改良謨京師陷良謨念母老己未有子
而妾時氏方有娠乃謂之曰吾且死汝幸任身急歸父
母家時泣曰公殉國妾不當殉公耶且一婦人躑躅鋒
刃閒儻不幸有他不如無子良謨喜曰能如是乎妾乃
先就縊旣死良謨整衣冠拜闕亦縊死時氏京師人年
十八侍良謨百有三日耳福王時良謨贈太僕卿諡恭
愍時氏贈孺人本朝賜諡恭潔

四明談助傳

徐兆屺

殉節御史陳恭潔公良謨字士亮宋文介公禾之後崇禎四年進士授雲南大理府推官行取陞見擢御史十二年出按四川流寇大入蜀犯成都遣將守要害爲犄角一再戰賊潰奔帝聞乃優旨賜銀幣及還朝以乞假省親歸反命補原官甲申三月十九日城陷作書二函一上太孺人一以與承祧子久樞賦絕命詞示其客李芳泰著巾藍便服起入戶妾時氏隨之遂與妾俱自縊死南都贈太僕卿諡恭愍本朝賜諡恭潔并贍地七十畝命有司歲祭有司卽公之別業娑羅園爲旌忠祠以

順忠貞公遺集 卷四

五十四 明詩書

約圖刊本

時夫人耐

明殉節諸臣事蹟

有娑羅園集按蜀疏草

詳見脫志曹志公

爲諸生時其貧徹骨至不能供饘粥娶於灣頭劉氏生

一子遇歲歉升米百錢公就館於江東包氏而妻恆忍

饑每歸則袖籠升米以活妻子一日公歸將及家矣其

子遙望見之大聲奔告母曰爺歸矣有米來矣疾趨絆

闕一跌而死蓋餓傷之人不任傾跌也及爲御史納時

氏爲妾孕已三月翼生一男而時氏從公就義公竟無

子以族子金玉爲後金玉有拳勇善於浪費嘗與無賴

子扮爲外盜入劫其母劉夫人取鏹而去然亦隨手散

盡後不知所終

經師堂集

陳氏宗譜家傳

公之始祖諱矜謚莊靖蘇之長洲人出守明州有善政卒於官葬明之茅山二世祖軒謚孝靖守父墓遂家於走馬塘三世祖謚謚忠靖四世祖禾號致堂居士官右正言劾宦官童貫輩言甚激直落帝衣裾謚文介五世祖曦謚文忠六世祖深七世祖槃謚文定八世祖寅知西和州蒙古陷城伏劍死妻杜氏子鑽及婦俱同死節賓客死者二十八人謚忠肅妻謚貞烈九世祖鑽九世

陳忠肅公遺集

一七四朔藏書
約圖刊本

本生祖鏐十世祖瑾十一世祖莘十二世祖孟誼福王郡馬配廿七宗姬早卒繼配錢氏生子二長友達卽明都御史定庵公濂之祖也次友遠爲公十三世祖十四世祖寶四朝奉景良十五世祖理七朝奉延生自莊靖公至理七朝奉皆世居於祖居者也而公之十六世祖重一府君諱義深者贅居郡城顏氏遂家東南三角地告充爲官帽匠乃曰願我子孫有官帽貴人足矣十七世祖宗三府君諱禮中十八世祖良七公諱志餘狀貌豐偉兩乳垂腹人有負者每曰虧我是我福齒德服眾

舉例賜冠帶高祖可十二公諱桂娶唐氏曾祖諱燿號
半山府庠生娶宋氏繼配任氏祖諱世志別號寧南未
冠游庠英年奇俊不幸早世娶柴氏父諱瓏號思南少
孤寒素自守移居和義門之委巷今爲柱史第贈公敦
尚儒雅克脩志行風度端凝家範雍肅族擬太邱里稱
彥方以是厚誼佑啓賢嗣以子貴贈文林郎加贈太僕
卿母鄔氏封太孺人加封太恭人生子二長之星字拱
辰次卽公也諱之亮字士宏號賓日萬曆十七年己丑生而穎
敏方孩提時輒喜入對年及舞勺益懋勤不倦朝夕攻

陳忠貞公遺集

卷四

天四明叢書

約圖刊本

苦讀書江心寺每日午自塾歸炊煙常斷同學中有諷
其不必放學者公乃以糠然竈使煙出突外塞同學訕

笑同族少泉理心識之一如其父梅泉先生世性待渤

海之龍中允兄弟之幼時者亦篤念寒素雅有周急之誼

生平師友咸多矜式初以孤貧阨於有司小試萬曆十

四年丙辰公年二十一春提學周公延或作廷光試士將竣適巡

撫到蛟川五邑寒儒以淹抑哀號江甯巡撫批仰署鄞

縣事司李魏公復收考遂以天工名送道獲試取入府

庠天啓元年辛酉公年三十三應科試列一等第一名補廩

膳生自食餼以來屏跡公庭閉戶潛修癸亥十五年春

丁父艱哀毀骨立聞於鄉里崇禎元年戊辰四十年覃恩

選貢赴廷試肄業成均三年庚午十二年應順天鄉試

頭場題天下有道則禮樂征伐自天子出次發而皆中

節謂之和三爲巨室則必使工師求大木工師得大木

則主喜以爲中式登劉進榜亞魁明年辛未十三年應

會試頭場題君子易事而難說也說之不以道不說也

海之內三心之官則思思則得之中式登陳于泰榜三甲第十七名

進士是科中式三百四十九人就選例應司李或告之曰司李缺僅

一渙之大理素道遠路惡盍少需之公答曰臣子委贄

陳忠貞公遺集 卷四

元四明雜書

約圖刊本

致身生死榮辱遠近勞逸惟上所命若筮仕而擇地謂

臣誼何卒就選滇故萬里外法網疏吏治不能無軼越

公獨謹愿自靖凜持三尺先後直指倚公如左右手五

載之內赫然有聲而尤念慈幃衰老路隔萬里難從祿

養魂夢依依瞻顧雲山輒隕涕淚朝廷以遠臣異績特

簡異秩十年丁丑欽取召對奏原名宗序未安乞更之

御改良謨拜四川道監察御史彈劾不避權貴人皆憚

之有乃祖文介風十二年己卯巡按四川方是時賊獻

忠自成汝才輩旣撫復叛狂逞楚豫聞天子倚重輔臣

楊嗣昌俾往督師爰發楚豫及秦各大師從北而南環集於鄖襄公曰噫其將以蜀爲壑乎遂躬閱關隘愆飭文武爲堵剿計鎮將羅尙文驕殘娛酒色公疏列其狀謂非禦賊者廟堂竟務優容然稍知戢矣蜀撫邵公捷春悉調蜀師分列諸隘分多力薄而督帥擁三省重兵尾賊後竟無一旅從閒道疾驅至蜀以扼賊奔者則以疏防詆邵乃逮治蜀民千餘人大譁謂疇擁重兵而任賊狂奔邵公固無罪也欲毆緹騎公力爲勸諭羣譁始定時公專護藩撫臣專辦賊猶以餘暇徧飭各郡邑糾眾城守務堅壁清野使賊無可掠故賊入蜀旬月雖不無殘破然各郡及衝要諸城悉堅守賊不能大得志最後犯成都公部署久定發裨將分布要害犄角相效一再戰賊果奔遁百里遷延東去天子知蜀堅守狀且藩封晏然優賜銀幣仍命公按蜀以善後又二年公得代還京時京師危甚他報命多觀望其期或巧覘別差可外者輒營以出公曰果爾天子將孤立乎如期入亦不營外差遂得巡太倉銀庫歷時未久遂罹國難帝崩於煤山時崇禎十七年三月十九日也公聞變慄烈盡忠

慷慨就義南向作書拜母復諭兄嫂及恭人以孝事老
母爲言且痛飲作詩爲縵於梁欲自盡時有新納之姬
時氏京都人也年十七有娠公謂之曰吾死是矣汝年
少亟歸依父母且吾年踰五十無子汝幸有娠儻生男
以延陳氏血食汝勉之哉姬泣曰公殉君妾不當殉公
乎主人死妾將誰依亂軍中妾身且不保能保此懷中
之孕乎與爲賊辱不如無子也妾請先死以絕君念遂
投入縵公曰汝固辱而能若是乎縵而氣未絕爲侍婢
所覺將救焉公曰是其志也宜遂成之公別作一縵與
之同盡姬之貞烈雖由天植亦公精誠所感也公之先
世諱寅者守西和州城失陷與夫人杜氏俱自盡而公
遭國難與時孺人臣死君妾死主其殺身成仁祖孫固
一轍也公僕周明扶公及姬柩於干戈數千里中盜以
爲金藏也爲所害者三至蘇州而資斧已竭不得已以
薄棺載屍而歸至和義門外太恭人與恭人謂周明曰
何至以不堪之棺殮主人乎僕告以故恭人曰棺可易
乎僕曰可遂啓之而兩屍值酷暑之天且經三月面目
如生始知公與姬之忠節至死不變也鄞人相與燃香

燭迎於道拜而哭之諸子矜嫻於詞者相與詠歌且立傳傳其事廷議褒死節諸臣贈公太僕寺卿諡恭愍祭一壇予口葬輿情以爲未盡加贈嘉議大夫都察院右副都御史改諡忠貞少姬時氏得贈孺人大清順治十一年甲午敕賜旌忠祠於本省西湖以祀浙江甲申殉難六賢本郡特祀殉難御史陳良謨賜諡恭潔出文諭祭屯地七十畝以爲春秋兩祭修葺祠宇之用公生萬曆己丑七月十六日年五十六歲諭葬於清道鄉王僉墩祀塋之前元配劉恭人生子久鼎早亡側室俞氏李氏與贈孺人時氏俱無出以兄之子久樞爲後

乾隆浙江通志列女傳

陳良謨妾時氏揚州人年十六爲鄞縣陳侍御良謨妾甫三月闖賊陷京師良謨曰事至此吾有死而已氏曰公死妾亦死良謨無子知氏有娠爲之躊躇氏曰是有疑於妾也請先死因更易簪珥裳服終乃易舄取之笥舄皆赤良謨曰遭君父大變而赤舄非禮也我爲汝墨之因塗之黑氏納之足遂就縊良謨俟其氣盡亦縊國朝順治初贈孺人與良謨合祀

雍正寧波府志列女傳

烈婦時氏揚州人年十八適陳恭潔公良謨爲側室甫三月值李自成之變良謨念母老己未有子而時氏方有娠乃謂之曰吾且死汝幸妊身急歸父母家時泣曰公殉國妾不當殉公耶且一婦人躑躅鋒刃閒儻不幸有他不如無子良謨喜曰能如是乎時乃先就縊既死良謨整衣冠望闕拜亦自縊死

光緒鄞縣志列女傳

時氏揚州人

案明史作京師人

年十六

案明史作十八攷續表忠記時死時年十七則

陳貞女集卷四

三十四明續表

歸良謨時正十六也

適陳良謨爲側室

朱京師陷良謨念母老己

未有子而時方有娠謂之曰吾且死汝幸有妊身急歸

父母家時泣曰公殉國妾不當殉公耶且一婦人躑躅

鋒刃閒儻不幸有他不如無子

明史稿陳良謨傳

公惟自爲計

不須及我

續表忠記時孺人傳

請先公死因更易簪珥裳服及烏

取之在笥皆赤良謨曰遭君父大變而赤烏非禮也我

爲汝墨之因塗之盡黑

朱

妝畢出衣飾匱以給諸婢遣

之出關戶自經時年十七

續表忠記

侍良謨百有三日耳

稿

明史

時烈婦傳

謝為愛

烈婦姓時氏北直隸人也美姿容能讀書知大義年十九為賓日陳公妾公浙江鄞縣人初名天工更良謨成崇禎辛未進士第由雲南大理府推官擢御史巡按四川回視光祿會甲申三月十九日流賊陷京師公正衣冠向闕拜曰小臣不能紓國難義當死時氏慟哭屢絕公謂左右曰時氏事予甫數月受恩淺且少若欲去則聽彼所為但予無子時氏有妊矣舉雄可還昇予家以存陳祀迺自縊時氏曰男女不可知卽生男成立亦不

陳忠貞公集

卷四

婦烈婦傳

約圖刊本

可知惟有從主死噫天潢其已絕矣嗚恤我後哉遂縊公右

贊曰余嘗過陳御史墓見烈婦耐葬焉為之徘徊憑弔不忍去父老向余太息烈婦無後余謂甲申之變官眷之在京邸者新樂侯劉文炳之母杜夫人樞部郎成德之母張淑人金鉉之母章恭人俱從子殉難中允劉理順之妻萬淑人檢討汪偉之妻耿恭人俱從夫殉難忠魂義魄萬古流香固無藉乎其後也時烈婦迺御史一小星耳知感激國恩慷慨赴死與諸夫人埒雖與日月

爭光可也寧世之蟄蟄子孫者所敢與之較有無哉

遺事七則

李氏清三垣筆記曰公初在川中一夕夢宿文信公祠下信公降階迎之公遜謝不敢信公曰公固我輩人也蓋已豫兆之矣

李氏芳泰曰甲申之難予適在公京邸公索筆題詩至六句忽有震電挾風而入公停筆曰異哉此風乃續之以電風自南來之句詩畢求巾不得予以頭上巾進遂正命

陳忠貞公集

卷四

五十四明叢書

約園刊本

無名氏明山遺民傳曰林時躍甲申國變矢志勤王首先倡義懸御史陳良謨畫像於庠率同舍生哭之

李氏文纘華嘿農狀略曰華夏甲申難作號慟絕地取諸所爲文詣文廟拜而火之局小樓足不一下且狂且哭如不欲活及有告侍御陳良謨殉節訃至者乃急起草檄告同人暨諸鄉先達會於學宮爲位明倫堂東偏遠方赴弔者千計已復爲文祭之並爲立後

屠氏可堂雙柏廬遺聞曰陳恭潔公未第時設教家塾與余家祇隔一牆駕部

案屠獻宸仕魯授車駕主事

兄弟嘗執經請

業每抗論古今感懷時事輒作班超投筆終軍棄繻之
想崇禎癸未恭潔北上拜送河干揮淚而別後聞甲申
三月十九日之變恭潔殉節設位而哭又時時周卹其
家

聞氏性道康熙鄞縣志曰恭潔公工詩而人不知其能
詩爲未及見其詩也向年林端節先生苦搜孤忠著作
幸獲詩刻一殘本乃官雲南大理時所作鈔存正氣錄
中此外絕無副墨而正氣錄亦屬藏書惜公乏嫡嗣無
復望其爲公刊布雖有風雷之冥護恐終沒於六丁之
下取是詩無復能廣傳矣惟邑誌乃公帙可以廣傳可
以垂久性道特備錄於茲不僅爲藝文生色庶幾流覽
者得以共傳恭潔公之遺音焉

全氏祖望續甬上耆舊詩曰公以無後其所置嗣子亦
不甚克家遺文散失林評事荔堂高武部隱學徐明經
霜皋輯甬上正氣錄求公集未得一日霜皋從北郊劉
氏蠶筐中得公殘集一卷則滇中作也大喜又求得其
癸未諸詩合爲一編荔堂序之公不以詩名而詩未嘗
不工乃知其退藏者深矣

祠記

會弔忠烈陳公啓

華 夏

國制首重養士尊隆篤摯而今日乘輿凡有胸者不忍以崩聞伊屬誰罪同社蹇不獲蚤遇知人快隨忠節同難貧無可散捐結客奔與義憤同仇接讀邸報知吾鄉陳賓日先生以臺中死國從者時氏以下妾死主兩木磊磊一朋烈烈臣誠垂帛妾實可冠逝心如焚孤柱濁流瞑目猶視指髮漢章薨恫惟泣日呼穹芥軀獨愛梓祝節歿無愧堇中夫子生堪稱王國寧人敬檄同心於

陳忠貞公遺集

卷四

三毛四明叢書

劉國刊本

某月朔日辰刻齊集府學明倫堂設位瞻拜仍議公請選地特祀噫皇上十七年勞惕神瘁民艱億萬人拊育報享身禍去奸振落從善轉圜罪已敷詔有耳皆瑱亦能言奉天慟奮袂之忠慕道默思通籍頌聖肯誰爲天寶貞不舞之象惟公得死猶歸覺己已猶無公等捐軀赴難入甲申幾見伊人有母不願孝旣仕朝祗樂刃膏有類不依違卽居鄉寧難旗誓天開領袖嶽降甫甲肆敢懸檄俟標何如頌攀公舉請言血誠尸告不同佞諛生祠

壽鏞案李文績撰狀畧所謂爲文祭之卽是文也

旌忠祠碑

全祖望

世祖章皇帝定鼎衰卹前明甲申殉難文臣十有九人
浙中得其六而吾鄉陳恭潔公其一也禮臣遵奉明旨
各建祠於其里春秋祭祀特撥地七十畝贍之於是有
司卽公之別業舊所稱娑羅園者爲祠以時夫人耐而
麗牲之石至今未備予自髫年拜謁祠下其後奔走風
塵久未過之會罷官歸諸陳多以碑銘見屬又惡敢辭
陳氏爲宋元祐黨人文介公裔衣冠極盛其最著者四

陳忠貞公遺集

卷四

三十四
明版書

約圖一州本

傳而爲文定公槩又數傳而爲大儒習庵先生墳至明
而爲漕運侍御濂至明亡而公出焉甬上世家之盛所
未有也公生平顛末已見於明史傳中予不復述董戶
部守諭哭公之詩曰惟其不好名殺身乃獨真旨哉言
也不特可以知公投繯之心事并可以盡公歷官之心
事者也三垣筆記言公自川中反命歸里將赴京夜夢
掘衣於文山祠下文山趨而掖之曰公乃我輩中人也
邀之同坐公不敢當文山固掖之醒而以爲異事時國
事已不支公戒行有日忽延畫師寫真容峨冠喪衣客

或問之曰何患患中作此公歎曰是叱馭而行之日也
生還其可望耶蓋公已知廟社之必亡成仁取義素定
胸中故志壹動氣而文山之精爽臨之其時同難吳太
常公磊齋亦營夢中聞鼓山劉公爲誦文山零了詩句
卒成先兆而公則更親接之是又何須太人之占而後
了然哉公之遺文亂後盡失林高士荔堂求得其淚中
草一卷蓋司理任中所爲也忠臣固不必以文傳而眞
中之一峯一洞公品題之殆徧又何其多情也今祠中
之蔚然而秀者乃公平日觴詠優游重之以聖朝之大
典雖橋山碧血左右龍髯而枌社所在豈遽忘情陟降
之靈陳氏子孫其敬之哉

重建旌忠祠碑

童槐

皇清首樹風教以啓萬禩於勝國忠節遞闢遞衰彌久
益詳尙稽厥典實維舉自順治九年者爲最初而尤重
豈不以君爲社稷死則死之古人臣之通義視魯陽揮
戈更爲得正哉時所司核甲申從難二十人以上詔賜
專諡飭所在有司各給地七十畝祠祀罔替鄞恭潔陳
公其一也於戲至矣公祠卽其妾羅園別業爲之規製

略具無何據守子姓罔恤厥祀繇餘壤及正室或鸞或
璧月銷歲隕塵溷不錫且數十年於茲里孝廉張恕願
而惘然諗於孝廉王瀛諸生陳掌文盧杰暨祀生陳祖
確曰夫朝廷德意將以垂無窮也自乾隆中頒行殉節
諸臣錄以來新祠遍海內昔人論殷之義士周之頑民
聖朝如天之度於古所未有猶不惜破格增設若公則
在式閭表墓之例國初汲汲舉行蓋準今酌古爲開勅
不刊之令典而轉聽其廢墜可乎且當時二十人中倪
文正施忠愍凌忠介吳忠肅及公皆浙產光岳之精炳
耀鄉國深維風教所繫俾衣冠俎豆相望於吳山越水
間永永爲吾浙重者非後學之責而誰皆曰善乃相與
請於當事集眾力更新之爲堂五楹室其右以祀時孺
人堂下東西廡各二楹樹門於前旁屋亦各二楹監生
王章實董厥役募祠祝主管別市屋徙據此者並禁諸
子姓毋再溷處懲弊也於外增典置祀屋一所供掃墓
需其舊給城外地歲稅白金七兩八錢有奇又廣盈倉
基歲入租約十三縉春秋官祭承祀生支領供辦如故
計是役贖舊所費實用緡錢三百有贏工費千七百有

竊經始於丁酉八月越十有兩月迺各竣樅栢豐碩黑白絢好觀者咸溯述遺燬欽仰感激如在國初時且謂吾邑近有旌忠廟此其先河之義也哉紹等爲童槐記其事道光十八年七月

重建數峯閣表忠祠碑記

梅啓熙

西湖之有數峯閣舊矣蓋經始於成弘之際陳樞部弼元瑾以祀天崇兩朝浙人之抗璫殉國者也閣以數峯名則取錢起詩結語以志懷忠不見之意旣而南都覆杭州亦亂閣就傾頽而祀事廢矣順治中有守杭者復

原忠公遺集

卷十四 明嚴書
新四 刊本

加修葺並祀先朝理學名賢未幾再廢康熙二十七年宛平金公鉉來撫浙過此而慨然傷之命工新之奉祀如故惟理學諸公移祀於別室自爲文以記其事乃日月易邁興廢靡常閣不知何時又圯聞道咸間杭人卽不識有所謂數峯閣者況載經兵燹後平光緒三年春杭人於六一泉右新建蔣果敏公祠考其地卽爲閣址因於祠後山上並建閣三楹重奉倪文正施忠介周文端凌忠清吳忠節陳恭愍大君子粟主蓋本諸西湖志及吳梅村一詩也然考漢浦黃忠端吳山七忠祠碑記

六君子外尚有御史俞公志虞今吳山之祠不存閣中
應補祀俞公以足七忠之數卽欽定勝國殉節錄所載
又有楊元李正光陳三益姚成李毓新汪登瑞陳應騫
陸士鉉鄒欽堯共九人或赴難被戕或間變自盡雖其
時其地不同而爲死於闖禍則一也亦應祀於旁庶
泯闕遺之憾至與璫禍者浙中止有二人一爲嘉善魏
忠節一爲餘姚黃忠端其死事尤慘尤烈允宜補祀俾
還舊觀接金中丞碑記今尙完好記中雖未羅列諸公
姓氏亦未著六忠七忠名目而抗璫殉國並舉顯有明

文意權部建閣時止有六忠而魏黃二忠決非後入其
順康兩朝一再興復祀數有無推廣不可知特理學諸
公前則合祀後則分祀而已今者東南戡定歷有年所
烽燧不驚湖山無恙浮屠老子之宮靡不一新而是閣
爲忠魂之所憑依聽其埋沒於荆榛瓦礫中可乎都人
人士慨然興懷忠之思而不僅爲遊觀之所遂共成斯
舉規制猶昔祀典聿隆不可謂非一時盛事矣其理學
諸公本屬後增漸失初意且今詒經精舍已有先覺一
祠毋庸重出此外死事君子野史紀錄殆不乏人而爲

欽定之書所遺者則姑從略焉閭建於上年而釐定神位則自今始於是司其事者來告并以碑文見屬啓照忝撫是邦方以未能如金中丞表彰忠節爲愧而諸君子則當與枹閭時之吳岱觀嚴灑享媿美無疑也雖然閭之屢廢屢興不一其次苟非祭祀有出歲修有費烏能經久此固守土者之責而亦賢士大夫所當深慮者爾是爲記光緒五年歲次己卯孟春穀旦

乾隆浙江通志祠祀一則

旌忠祠在寧波府鑿橋北祀明御史陳良謨殉甲申之

陳忠貞公遺集 卷四

寧波府志 卷四 祠祀

難國朝順治間奉敕立祠賜額旌忠

雍正寧波府志壇廟一則

旌忠祠祀明殉難御史陳良謨順治間敕建賜額並贍地七十畝供祀


光緒鄞縣志壇廟一則

旌忠祠縣治北一里鑿橋北明崇禎十七年闖賊陷北京御史陳良謨與妾時氏死之國朝定鼎特敕立祠賜額旌忠并贍地七十畝命有司歲祭道光十六年重建

湖山便覽一則

翟灝

杭州表忠祠數峯閣一名表忠祠在六一泉爲明冢宰
 茅瓚別業瓚孫蔣捐地與權關陳調元建閣祀甲申死
 事倪元璐凌義渠周鳳翔施邦曜吳麟徵陳良謨六人
 鄞縣娑羅園旌忠祠圖



陳忠貞公遺集 卷四

四明鼓譜
 續圖刊本

陳忠貞公遺集卷四

38

8 8

陳忠貞公遺集卷五

縣後學張壽鏞詠覽輯

附錄下

贈詩

陳賓日分俸賦謝

張庚星

當年蹤跡盡相同南北於今各燕鴻萬里蘊叢眞御史
九齡鶴髮一衰翁清操合爲輶車重薄俸還憐甕牖窮
敢爲老饗輕換酒買書滌硯課兒童

甲申秋丹陽舟中遇陳恭愍公柩自北歸因念公

陳忠貞公遺集

卷五

一四明叢書
約圖刊本

爲諸生時篤實不務時譽及起家臺省里人尙
不知有陳御史也死之日乃嘖嘖在人脣齒間

感哭一律

高字泰

何曾赫赫炫鄉隅篤行如公自大儒方苦錦城支隻手
旋悲玉版談全軀峨眉天截名長並大海雷奔恨未紓
公居旁城北當海潮入江之衝朔氣彌空雲亂起應知毅爽返旌趨

甲申之變陳恭愍偕少姬時氏同日殉難感而賦

此

周元初

臣分應濡血捐軀豈寡徒魂隨宸極去魄向鏡中呼裂

鬢邀男子披胸了丈夫山河非故國決不兩人枯

輓陳賓日侍御暨姬人時氏 王藥師

阿誰釀禍召黃巾有志匡時願致身臣妾一心甘仗節
山河兩地乍蒙塵欲從帝所啖生虜轉恨奴顏半逆臣
幾對青天興浩歎滿腔忠義有斯人

哭陳恭愍公寶日 有序 董守諭

閱臣子死節之事史不絕書痛君父遘閔之慘
今爲獨烈先帝艱勞十七年當國者悉貽憂辱
面相誣蒙及爾顛覆誰難小腆頓叢大棘此時

陳忠貞公遺集 卷五 一四明叢書 約圖刊本

在廷諸臣一死之外誼無他策先生悲憤日久
投繯自決裂血上太夫人箋書絕命詞不及家
事情絕濡忍色不返顧茲死爲足傳矣夫蘊義
生風骨有餘香奚以哭爲諭不禁泣數行下蓋
有深悲者存焉若燕爾新姬漸染大義身輕鴻
毛立意較然不欺其志是足增重先生哉於戲
愧所從生矣

國步艱危甚矢死挽彘倫吾壯陳柱史決裂報斯文黏
髮皆頑鈍濡絲亦處禪涇分江漢日月爭朝暎生平

養浩然篤信得成仁歷數大義否舉世矜童昏彼哉樹
門戶先生踽步迤彼哉贈聲氣先生傲刺存唯其不好
名殺身乃獨真血書寄高堂忠孝豈兩門血書寄無兒
廟食繁雲孫何以馨明德崑崙之美蘋兩顏高鼎足孤
李障南塵風霜別草木蛇豕薦龍麟滂母歎其義衍姬
不汙粉匪同金石砥莫染桂蘭芬激素在風骨引誼先
批根抗論武陵日期誓恥逡巡果符中立語能鑒子韶
魂慷慨者如斯而蜉蝣度旬僕婢視歆或列女羞與羣
一哭天地傾此淚幾時漣

陳忠貞公集卷五

三四明敏書

哭陳賓日侍御

有序

林時對

公恂恂長者按蜀歸未幾返命遽攀髯矣公妾
燕姬時氏先公縊

錦城繡斧歸來日雪涕憂時靦瘁容母在正疑輕叱馭
君亡誰料竟攀弓藍田種玉虛巢鳳鸞帳埋香欲附龍
長是娑羅明月夜霜飛烏府照端公

余罹先子感公嗔
慰備至喪次惻惻

語余君讀禮如
將伯助子何

八哀詩

李文縉

故四川道監察御史陳公良謨

公昔起一介絳帳高扶風屢試必寡旗道泰身不窮引
人既以樵虛已復如弓明經第一人再戰捷南宮明年

上春官七札曾不空初爲大理李番夷感德通竹舸泛

粵島綬來誓必躬滇中絕島實地從無親詣者公奮身往諭番夷感德驚服用巨竹截而刳

爲舟一節可容三人險傾不測公勿計也宣猷報卓異至誠等韻伺奕奕直

指使諫草震丹楓首發督師奸旋摧悍將鋒公特疏參楊武陵爾

昌後果敗而西事去矣蜀事匡蠱壞何忍冒膚功雖荷轉圜聽其

如圻父聰嗚呼疇厲階土崩瞬息中微臣只一死奚待

轉計工皓慈九十餘痛此不得逢作書拜瀝血虧孝全

四四明叢書

四四明叢書

孤忠幼妾方侍旁請先殉我公呼其父母至遣歸泣欲

同賜香緝絃冷脆碧青蓮叢豈效金谷樓當由盛德隆

妾時氏年止十九公遣還父母妾不從先就絃不言蹊桃李以樸振秋蓬賊亦

畏公烈相戒無加戎予集同志侶爲位鬻序東大義正

嗣續防嫌矢至公衣冠千輩赴天地加穹窿浩英奠古

立皇皇曷其終

八哀詩 有序

李鄴嗣

八公俱鄙人與僕同里起陳忠貞公死甲申難

爲吾黨正氣先其自錢忠介公而下俱與相關

切今諸公藏血已碧冢柏盡南而僕覲然猶生
能不惋痛因作八哀詩各指其大節所在前後
文行遂不具述焉每公各贈二百字

贈都察院右副都御史陳忠貞公良謨

人臣事朝廷大節先慎獨患難方未臨守官類粥粥憶
從黨事起同班分警讎直道漸以消立身各瑯瑑遂使
門戶堅社稷聽傾覆大矣忠貞公素履見敦樸筮仕卽
滇南持斧復按蜀萬里孤臣行乃心奉黃屋寢戈衛西
藩發奸徵削贖

公在蜀屢疏參督輔楊嗣昌

骨鯁但自持攀援所不

陳忠貞公遺集

卷五

五四明叢書

約圖刊本

屬當時魁柄人未肯一推轂待罪還赤墀盡命已先卜
不圖日乍霾卒然喪乾軸養士十六朝受報亦已酷殉
國先至尊問誰食顯祿嚮首謝皇靈臣罪猶難贖氣足
感侍姬忠節兩無忸

公妾時氏同死

傳訃至江東學宮聚憂服

遙痛宮車已重爲先生哭從此振士風明山踵犖犖

輓陳侍御寶日

周嗣昇

直攀弓劍白雲鄉腸斷狂烽燕廟廊誰抱匡時眞識力
空傳誤國好文章他年爲厲心猶壯此日留丹骨亦香
瀝血成書知幾字不堪寄語到高堂

弔陳恭潔公

無名氏

死國有常法君臣一德同興亡何足計培植溯宗功

哭恭潔公詩四首

陳久登

國破君亡不可論悲情先淚泣忠魂漫嗟事業皆塵土
獨惜綱常只至尊一劫賊氛當世界千秋臣節自乾坤
九天相顧清班側爲問泉臺幾輩存

不遑將母使臣詩猶憶停車雨水涓白髮已憐時日短
繡衣轉動別離悲幾年獻納非無補一日君恩忍獨私
沈恨未曾親殺賊攀髯猶及鼎湖時

陳忠貞公集

卷五

六四明叢書

續編刊本

足徵文獻吾家譜忠肅聲名竹帛垂異代有孫繩祖烈
新姬蹈節益雙奇總將一點丹衷色更燦千秋金石詞
攜我瓣香奔慟後猶看遺卷見鬚眉

二靈祠墓傷秋草幾代遺文痛劫煙自是曾玄思祖澤
欲收先緒繼麟篇誰知永訣平生恨只在商量忠孝編
我便操觚承續述脩文郎去孰爭傳

過陳忠貞公故居有感

陸宇燦

經過北郭弔陳蕃風雨藤蘿冷敗垣化鶴夢歸越國恨
乘箕魂向鼎湖翻十年樹木悲新墓一郡衣冠拜弱孫

閭里因君知故主滿庭荒草傲朱門

再謁陳恭愍公祠並弔時烈女

林時躍

曾聞二石哭賢宮

華石傘王石雁也

豈謂吾徒盡不容碧血長

虹留白日香魂巾幗伴青松南朝古木娑羅月千載長

陵偃柏龍昨向常山祠下過靈旗颯颯憶英風

送陳恭潔公大葬

周嗣昇

便房敢賜草生新冰雪冷漠水春不盡寒威驚獬豸
猶存故土臥麒麟誰將尸解徵遺事爲卜魂歸殲賊臣
海上孤峯遙獨立玉樓烈俠共棲神

陳忠貞公遺集

卷五

七

四明叢書

謁陳恭潔公墓

黃茂大

春風春雨棠梨樹隔岸杜鵑啼不住一盂麥飯度荒阡
行人指點忠臣墓維公大節文山同此身未死神已通
夢中相逢弗下拜古今浩氣天所鍾聖朝褒忠得歸葬
豐碑截業石馬壯吾鄉僻處東海隅廬陵雨水遙相望
壬子八月十四日拜恭潔公墓 無名氏

勝國殘灰滅遺忠古墓存霾陰悲日月順逆訴乾坤命

絕歌聲壯身沈道氣尊聖朝崇節義祀典卹英魂

賜屯地七

十畝春
秋致祭

擬甬上薤露詞

全祖望

何以獎武陵

陳侍御失言。○恭愍公早樸誠按劉歸林太常。蕭庵問曰：公何以於

武陵相有獎疏。恭愍謝曰：吾未窺其隱也。今知之矣。其坦率如此。

借問賢御史，何以獎武陵。御史前致詞，生來擅樸誠。渠才良足用，渠心或未澄。儂弗窺其微，衡鑒豈易精。試看唐四岳，亦奏崇伯名。

鄧北雜詩

有序

袁鈞

徐監軍鳳垣號霜臯，有別業枕大江。一日游北郭，於村民劉氏鷺筐中，得陳恭潔詩稿一卷。頂

陳忠貞公遺集卷五

八四明叢書

續圖刊本

禮以歸，見續耆舊傳。

霜臯別業枕江邊，梓里同搜忠節篇。一卷忽從劉氏得，餘生如夢義熙年。

客遊松江遇鐵峯張先生，出示陳恭潔公絕筆三

十七字忠義之氣，懍懍如生。敬題長歌以誌景。

仰道光庚寅閏四月望後一日 俞鴻漸

殺賊生未能爲鬼，死猶厲堂堂睢陽公。大節問誰繼，公也。筮仕思陵朝，厄運亦復陽九遭。國亡臣與俱，亡耳食。君之祿將焉逃，嗚呼臣抱病已久，揮戈難奮魯陽手。眼

看蟻賊滿長安終夜撫膺呼負負國事已至此臣命復何有三十七字和淚書筆端疑有老蛟吼我昔讀史心慕公今觀絕筆尤忡忡有明傳祚三百載亡國不與前朝同懷宗當日殉社稷一篇手詔極悽惻朕屍可裂民無殘干載聞之爲太息公當身騎箕尾還亦有遺墨留人間君臣地下儻相遇想見血淚同潯潯獨念同時十人吾鄉凌公亦其一命僕大書臣某柩此語至今響未絕

吾鄉凌忠介將死命其僕曰吾死可大書吾柩曰此死節孤臣某之柩庶堂堂大家見吾柩者猶識忠義一

豈知公於此更能奮親筆數行突過平原書一線耳

陳忠肅公集

卷五

九十四明教書

總圖刊本

腔較甚長弘血血以酬君親書以明成仁焚香一展閱墨彩猶如新吁嗟乎此書宜爲世所珍翻思明社當沈淪幾輩能致臨危身名高山斗竟何益齒冷徒供笑後人

陳恭愍公殉死者爲時孺人敬弔靈輶

高宇泰

客邸衾裯暗自傷寒燈曾侍草封章常親白簡冰霜氣不斷青纓日月光初望蘭香徵燕姑好將桂性恥鴛行主人定化啼鵑去應附離靈到海鄉

輓陳侍御姬人時氏

李芳泰

公攀龍馭去妾附狄車翔月沒猶留照蘭枯暗透香夢
虛徵鄭姑刃不待睢陽老生慚未死援筆酌椒漿

弔時孺人

無名氏

一介盤匱質千秋名教功主亡肯受辱先死勵公忠

娑羅園弔時孺人詞

張 巖

娑羅園陳恭潔公別業有司卽於其地爲祠以

祀之時孺人耐

娑羅園春草歇鐵幹冰心不肯青杜鵑啼落妝樓月

陳恭潔公遺囑 卷五

十四 明 叢書

煤山淚鼎湖水六宮粉黛攀髯去賤妾何能戀簪珥

序跋

跋陳恭潔公家信遺囑

范永祺

甲申三月十九日公作書二函一上太孺人一以與承
祧子久樞賦絕命詞此遺囑卽與久樞者故所書祇承
繼事余從中表劉師中家得之將片裝一卷子恐久而
散佚特附於尺牘之後當倉卒致命之時而經畫家事
井井有條書法亦不苟知其從容就義視死如歸也每
一展視光燄奚啻萬丈

跋陳恭潔公家信遺囑並錢忠節張忠烈二公遺

札

黃定文

右陳恭潔公遺札二錢忠節張忠烈二公遺札各一恭
潔兩札想見當時國步艱難貞臣心苦念及後嗣尤全
忠孝忠節札作於太倉內召後尙在崇禎盛時惜未得
其蹈海以後眞蹟忠烈札無所寄姓名考之續香齋集
當是與林西明岳隆者四札向藏峩亭范氏忠節同望
世華見之遺命其子付之貞石并模三公像於前而文
爲之志嘉慶甲戌仲秋月

陳忠貞公遺囑

卷五

十一四明叢書

續圖刊本

跋陳恭潔公絕筆三十七字

童槐

右張氏習靜樓藏陳恭潔手書絕筆凡三十七字不知
所自來今數世矣雙湖八兄旣屬槐摹公遺像并裝成
冊因令跋數語嗚呼有明養天下士三百年當日在京
師殉國難者纔十九人而吾鄉居其一赫然盛事照耀
山海是書尤公之精神也故太尉手中笏文丞相衣帶
閒贊孰能得之況宗留守呼渡河聲轟轟隱隱從紙上
出豈非宇宙閒一神物吾知公絕筆後英靈徑赴賊軍
武當揮鉏之頭實式臨焉歸而呵護此紙永永年不渝

做張氏何幸藉以鎮其家小子亦何幸得附名於其後
書畢焚香展拜敬送諸張時道光八年歲在戊子夏四
月十七日

跋陳恭潔公絕筆

孫衍慶

崇禎十七年三月丁未昧爽莊烈帝殉社稷同時文臣
從死者二十人吾浙居其六鄞陳恭潔公與焉其同邑
張氏藏公手書絕筆三十七言裝成一冊道光十年夏
張孝廉恕示衍慶讀之嗚呼烈矣古來亡國者以思陵
爲正手書衣襟遺詔示天下臣民於是同時殉節諸臣

陳忠貞公遺集

卷五

十二四明叢書

約園刊本

雖當倉猝之際而從容就義視死如歸皆有信國正氣
歌遺意其見於明史者二十人中若范文忠倪文正吳
貞肅之語周文忠劉文烈之詩載其事而不傳其詞者
若李忠肅三揖信國作絕命詞吳莊介絕命詞許忠愍
絕命詩六章是也獨恭潔公傳佚之方公按四川護蜀
王堅守要害數擊賊張獻忠羅汝才皆潰公還朝賊乃
熾公以滅賊自任久矣雖死不忘生氣懍懍明年九月
李逆竄九宮山中鉏死公蓋陰殪之矣嗟乎公之殉也
有老母而無子妾時氏方有身而先殉都城陷賊大掠

獨完此紙以歸公故里張氏守且數世非呵護之靈而能如是乎謹書之以補史氏之闕

跋陳恭潔公絕筆

吳德旋

君爲社稷死則死之晏子之言萬世爲人臣者之則也明思陵殉社稷而四明陳恭潔公同時死難此其絕筆三十七字今展對遺墨覺忠義之氣猶湧見行閒書無一筆苟下尤足以徵君子所養聞黃漳浦將授命時猶從容爲人作署榜書其字與公正相類皆義精仁熟故能若此非一時慷慨引決者所能及也道光壬辰夏六月

陳恭潔公絕筆

卷五

十三

四明叢書

月

陳恭潔公絕筆跋尾

張恕

余家藏陳恭潔公甲申三月十九日絕筆三十七字歷數世矣道光戊子先大夫重新手裝屬夢君師摹寫小像丙申六月從萬子增美家得見公滇中遺詩八十餘首遺老林時躍徐鳳垣補序且云公詩刻於滇南當日里中無布見者徐於劉氏閣篋中得之蠹編鼠本若有鬼神呵護逐加繕正不脫一字後附公未刻別母詩六首紫牡丹詩一首絕命詩一首詩後書云爲子爲臣不

能兩盡慷慨從容同歸一死大明四川道監察御史陳某書於城陷之日觀此詩爲城破日作十九日思陵殉國復書此數語公以病軀誓死以母老更寫家書數百言付其客李芳泰詩與詞並芳泰所收拾史傳失採今錄其詩於左俾後之讀史者得備觀焉

跋恭潔公詩文遺稿

陳愈峻

今年夏峻續修家譜徧訪公遺集不可得城南張明經嘉寅以公詩文集一帙屬吾友陳君一樓攜來蓋得之舊書坊者卷首亦林端節先生所序卽劉氏閨筐中物也字殘卷碎訛脫頗多較舊譜所載多詩二十餘首且有碑記古文十數篇披閱之下如獲拱璧敬錄諸譜後以補前所未備然公生平著述終不止如此廣爲搜羅是所望於後人咸豐十一年辛酉秋八月

旌忠錄序

張恕

倫之外無道道之外無學孔曰成仁孟曰取義讀聖賢書所學何事此文文山語也觀於此言而知文山之學不外明倫盡忠尤其大彰明較著者也吾鄞恭潔陳公盡忠前數日夢見文山後果遂其志則公與文山之學

正一脈相承爾公以忠靖公文介公文忠公爲列祖以
屠烈愍公獻宸爲門弟子公之訃自京師歸諸生設位
哭之義師起諸邊民烈士設像哭之然後歎公之學其
稟承有自來而傳之其人者廣且遠矣夫人於戲場觀
劇見有袍笏而演爲忠臣者則相與敬之愛之私心隱
迴護之歸而流連感慨而稱述之況忠臣之爲吾鄉先
輩乎余家舊藏有公絕筆三十七字真蹟余裝爲小幀
一時名士咸有題跋歲丁酉偕同志請於有司措資脩
公髮羅園專祠因獲交公裔孫石翁祖確且重之以婚
姻石翁蒼撮公之著作并傳誌碑銘及前後哀輓贈答
題詠詩詞彙爲一編名旌忠錄一日持以示余且曰君
家學若與先侍御隱隱有夙契者盍爲我引諸篇端余
受而讀之揖石翁而謂之曰余末學逕陋何敢企公之
學於萬一雖然是錄也殆文山指南集杜諸篇皆兩閱
正氣之所存足與日月河山而並壽者也昔錢忠介後
裔清恭輯忠介遺集二十卷刻之今先生是舉亦此志
也固公之幸亦先生之克光前烈有足多焉故樂爲序
之道光己酉里後學張恕謹序

案錢忠介遺集未曾刊布附正於此

旌忠錄序

陳勸

自古有純臣有忠臣宜若純臣無不忠忠臣無不純者然忠或激於一時之意氣而純則由於一念之真誠故忠臣而未純者有之矣純臣而不忠者未之有也若明季殉難御史陳恭潔公可謂以純臣之心而矢忠臣之節者矣公世爲鄞人系出宋文介公禾公再繼終替族裔茂才石介先生嘗輯公詩文并採傳誌碑銘贈輓詩詞及各題跋合爲一編曰旌忠錄以藏於家邇者諸陳

陳忠介公遺集

卷五

六

四明叢書

約園刊本

有修譜之舉出是編重加校訂將以聚珍版印行屬余序之余考公筮仕在滇在蜀臨民禦寇一皆出以實心國事日非知其不可爲而爲故自蜀歸里呼畫師寫照或問之曰此委身而去之日也生還其可望耶迨還朝都城危甚在官者或巧營外差以出公曰果爾天子將孤立乎蓋公於斯時早辦一死城陷之日從容就義安而行之非襲而取之也際我興朝首舉褒忠之典於是甲申殉難文臣二十人並邀恩命吾浙得六人公其一也賜諡建祠垂光史冊傳示無窮嗚呼足以立天下萬

世之臣極矣豈特爲桑梓增重而已哉公事跡具詳錄中鄉先輩之表彰不遺餘力末學後進何庸復贅一詞然大節如公爲純臣爲忠臣聞風而嚮往者久矣今幸獲覩是編不能無述焉爰書此以答諸陳之請并諭世之頌其詩讀其書者光緒五年歲在乙卯夏六月

旌忠錄跋

陳隆藻

旌忠錄成凡知恭潔公者皆欲一觀爲快嗚呼公何嘗死哉卽時孺人亦赫赫如生也獨念先嚴道立府君篤本根勇於任事昔曾大父石介公志所未竟者罔不與從伯五精先生悉心商榷思勉力以竟其緒是錄其一也而今俱歿不獲觀其成是則小子之所隱痛於心者也光緒五年秋七月族孫孫隆藻謹跋

陳忠貞公自殉國難遺稿飄零考其著作曰守藩事宜

康熙鄞縣志 林時對撰公傳云刻有保藩事宜守作保曰按蜀疏草康熙鄞志曰陳氏

放譜分省人物考曰弦韋纂要兩浙名賢錄曰淩蘿園集續前上

曰滇中詩稿康熙鄞志凡六種乾隆鄞志別有見聞紀訓為安吉人官貴州布政司參議

陳良謨所撰以同姓名而誤屬之昔徐霜泉明經從北

郊劉氏蠶筐中得公殘集一卷為滇中詩稿計八十首

續訪得癸未諸詩合為一編輯入甬上正氣錄聞天迺

徵士康熙鄞縣志刻公詩六十首全謝山吉士續甬上耆舊詩

目畧安蘇陳石介秀才旌忠錄皆據霜泉之本著錄焉

陳忠貞公遺集 四明叢書

壽鏞之刻四明叢書也求公遺著不可得於是以續耆

舊詩旌忠錄所載及族裔會望所錄輯為遺集三卷附

錄二卷既述行誼著於篇端有明末造吾鄉士大夫殉

國公實為之倡厥後張蒼水王篤庵馮寧溪六狂生五

君子之徒聞風興起百折不回視死如歸故以公集并

於遺民之首浩氣英光萬古常新矣二十二年十一月

張壽鏞跋

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本